

共
浦

均

鄉

士

品


蒲圻鄉土志叙一

周禮地官設鄉師鄉大夫管子首憲分國爲鄉鄉爲之師孔子論治亦言觀於鄉而知王道之易古先聖賢何以重視其鄉若是蓋人也者由一身而推之於家又推之於國而鄉則家與國之樞也問嘗考之三代上之治天下自下而上三代下之治天下自上而下自下而上者則以一國之大山林川澤之殊風土人情之異非可以一人之力整齊而強制之也於是寄其治於鄉焉五家相保五比相受四閭相葬五族相救五黨相稠五州相賓而爲之上者第握其綱要以井田樹畜爲養以庠序學校爲教辨其土宜厚其風俗而一鄉以治而一國以治自上而下者則以一國之大可以一人之力整齊而強制之也於是寄其治於官焉以民爲可用也而臨之以政以民爲不可用也而馭之以法亟亟焉日爲官所以治民者謀不爲民所以自治者謀嚮者一鄉之相保相受相葬相救相稠相賓者至是方一人一家自衛之不暇以至民生日蹙民智日窳其有司督者僅足已亂不肖者更何足言治嗚呼此古今治忽之所由分其所關者鉅矣國淦窳者有志搜集吾國方志以求治安天下之本又嘗旁徵各國圖籍以期瞭然世界

之大勢退而思之學者之患往往明於萬里而闇於跬步今有人焉與國論討論世界各國及吾國地志其經緯山川戶口物產之概要若歷歷在目至念年久居之京師一詳究焉則幾瞠乎不能對鶩其高者遠者遺其切者近者此所引爲自疚者也有清之季曾有編輯鄉土志議國淪時寓蕪湖重是邑人士之請爲纂蕪湖鄉土志以餉學子若吾邑則欲歸未得而舊志自同治重修後近數十年鮮紀載者蓋亦有志而未逮者矣宋延齋先生鄉之隱君子也劉子覺民以其所撰邑鄉土志見示國淪受而讀之凡爲篇四章三十有四舊志所有者提其要舊志所無者補其闕舉所謂切者近者一著之於編使吾邑之人皆知有鄉焉其爲力之勤何如也昔者晉伯宗遭重人於道知其爲絳人也問絳事焉古之人莫不自知其鄉不知其鄉皇言治國今之言自治者重在縣鄉治國之道無古今中外其理一也若先生者詎僅有功於吾鄉其殆深明治體者與癸亥夏四月張國淪叙

蒲圻鄉土志序二

蒲圻縣鄉土志若干卷先師宋延齋先生之遺箸也曩予肄業峒校從游先生劬伯游見其所擬鄉土志體例甚詳備而惜其採摭未遑退以語先師遂斐然有述作之志第羈身童帳尙有待也民國初元師膺選爲縣自治會議長尤留心邑中掌故自山川陂澤亭驛寺宇先賢勝蹟遺聞新政下逮風土物產靡不纖悉諏訪掇而藏之未幾解職家居杜門著書踰歲脫稿囑予校勘以予之謬陋何敢贊辭第辱厚知不敢有隱輒獻見計前後凡三易稿稿成而吾師精力茶然敝矣然猶昕夕跼踖斗室芟削不已方擬所付梓俄及大故易箠時慙慙以鐫刊遺稿爲囑嗟予雖貧乏敢不自竭以成先師之志耶今幸刊竟又丐張潛若先生爲之序師可以不朽矣惟念竟不及見風雨晦明不禁泣然民國十二年中秋門人劉樹仁謹叙



蒲圻鄉土志凡例

一本志計總論一章天文二章地文十八章人文二十一章共三十四章藉備軍政商學各界留心蒲圻地理者之參考

一本編爲便初學起見故意義必取顯明段落務期短簡

一本編故實多採舊志體例一本新裁

一本編山脈水源悉本遊山紀畧是書爲地學專家周溥成先生所實地調查足補舊志之缺

一志名鄉土故凡動植礦等物必標產地其有爲本地所產而不能指明爲何地者概行割愛

一本編稱引地名如大小港柘坪雲車嶺係臨崇與本縣交界處按之舊日圖志並確鑿記載非敢任意攔入

一本編紀民國以前事用舊歷以後事用新歷

一本縣人民多以農爲本而工商次之故叙農事較詳

一本縣自治皆昔日所無而爲今日新政之大者故詳細列入

一本志爲劉子覺民敦促匆卒成編其有遺漏訛錯處尙希我邑明達

代爲補正以成完書

蒲圻鄉土志採用書目

湖廣通志

蕪報彙存

揚子方言

湖北地志

逸周書

農桑輯要

蒲圻縣志

致富奇書

實業淺說

方輿紀要

遊山紀畧

京師譯學館輿地講義

文獻通考

野館雜話

蒲圻縣自治會議事錄

周禮政要

餘冬叙錄

中學地理教科書李廷翰著

郡國利病書

本草綱目

庶物異名疏

中華郵政全書

格致啟蒙

中華農業地理

商業地理

新農業教科書

幽蘭山房存稿

武昌商業史

曾文正大事記

新溪學校校友會雜誌

江海險要圖志

蒲圻鄉土志 書目

輿地經緯度里表

湖北全省輿地圖

湖北財政司調查表

石首縣鄉土志

蒲圻縣署財政一覽表

易縣鄉土志

蒲圻縣鄉土志目錄

宋衍綿延齋遺稿

劉樹仁 民參校
周自新 子荷繪圖

第一篇 緒論

第一章 緣起

第二篇 天文

第二章 經緯度

第三章 日月朔望

第四章 星野

第三篇 地文

第五章 雨雪量及風向

第六章 氣候

第七章 地質

第八章 山脈 金紫山脈 隨陽山脈

第九章 河道 蒲圻河 新店河 汀泗河

第十章 湖澤

第十一章 水泉

第十二章 礦物 金類 石類 煤類

第十三章 植物 草本 果木 喬木

第十四章 動物 家畜 山野 水族

第四篇 人文

第十五章 沿革

第十六章 疆域

第十七章 區劃 鄉團 都里 自治區

第十八章 種族 漢族 回族 滿族

第十九章 語言 文字附

第二十章 宗教 孔教 佛教 道教 耶教

第二十一章 禮俗 婚喪祭器用衣食住

第二十二章 農業 水利堤防 稻 薯芋 豆麥 糖漿

第二十三章 工業 茶業 絲業 蠶業 棉業 漁業 林業
火紙 草紙 竹器 金器 木器 陶業

第二十四章 商業 市鎮 錢幣 紙幣 銀幣 權度 典商 牙行 茶商 廩商

第二十五章 交通 輪船 鐵路 郵電

第二十六章 自治

第二十七章 社會事業

第二十八章 行政 財務 教育 實業

第二十九章 司法

第三十章 警察

第三十一章 兵事 歷代 清初 清末 民國

第三十二章 形勢

第三十三章 關係 本省 本國 世界

蒲圻鄉土志 目錄

第三十四章 補遺

第一篇 緒論

第一章 蒲圻鄉土志之緣起

大中華湖北六十九縣，蒲圻其一也。蒲圻之名，始於吳赤烏中，其時縣治設於西良磯，湖側多蒲，故名。隋開皇十二年，洪水泛溢，移治鮑口。唐初則就陸涇川中，權立貞觀七年，仍遷鮑口。地近蕪塘，故蒲圻亦稱蕪川。自唐以前，嘉魚崇陽並隸版圖，疆域雖廣，而風氣未開。地之遺利亦多。宋以後，則崇陽嘉魚各自爲縣。蒲之幅員愈狹，而文化反日益進。魏杞山謝松坡之政績，廖洞野之文章，件忠甫之氣節，載在史冊，焜耀一時。由明而清而民國，茶市開則財賦倍增，鐵路修則形勢尤重。輿地測繪家，絡繹於途。凡蒲圻以外之人，莫不欲知蒲圻，而生長蒲圻者，或多不知蒲圻，不亦慎乎。近京省同鄉創辦蕪報，於務民義，厚民生，拓民權，雖極力提倡，然新聞紙之發行，過卽成廢，卽前此志乘一再翻印，施之今日，扞格殊多。山脈不詳，水源失考，動植物僅有名目，不著產地，礦物則並名目亦無之。其他如自治警察鐵路郵電，皆古所無，而今當補入者，此鄉土志之纂輯所不容已也。

第二篇 天文

第二章 蒲圻之經緯度

民國中央政府以教育部之中央觀象台爲中線、在其東者爲偏東經度、湖北全省皆在中線西、蒲圻位次、則在偏西之最東者、

經度

蒲圻縣治在偏西二度、四十一分、三十二秒、

經度相連各縣

武昌咸寧通山嘉魚崇陽通城均在偏西二度

地球周三百六十度、與天相應、其中腰爲赤道、自赤道至北極、凡九十度、爲北緯度。中華全國、皆在赤道北。湖北居中華之中。緯度南自二十九度、北訖三十度之北、南限於湖。北限於山。而湖山之間、有蒲圻。其南北位置、可依緯度定之。

緯度

蒲圻在省西南、適當北緯二十九度、四十分、二十二秒、

緯度相連各縣

通城崇陽通山咸寧嘉魚均在二十九度中

第三章 經緯度與日月朔望關係

逸周書月解云亦越我周致伐於商改正異朔以垂三統至於敬授民時則自夏焉是
新舊曆並行古已有之今日之蒲圻亦然

新曆 即陽曆改用自南京政府始現中央每歲歲終仍由部頒行新曆於各縣蒲

之官廳學校並遵用之新曆以日為主地球繞日一歲每四年間一月十九日

取便會計

舊曆 即陰曆以月爲主長短債務布種選擇均與此曆有密切關係故不易改現

民俗以陽曆爲官曆陰曆爲民曆新舊參用官民各分政令上缺點也

二至 冬至陽生日長初長中國人皆以冬至爲曆二分 春分秋分
夏至陰生日短初短元已開陽曆之先聲 二分 春分秋分

春分日正照赤道西人近
有議改春分爲歲首者

朔望 月魄晦朔弦望舉頭即見月在日地之間面對地是謂隱在地左右明晦各半

是謂上
下弦

交食 時分不同，方向食分不同，可證經緯度不同。

經度不同節氣時差各異。節氣時刻東先西後。武昌在偏西二度，應後於北後八分四十八秒。如武昌正午十二點，京師則午十八秒。

緯度不同晝夜長短攸分。即一月一日為例，以同日出入之差，由脈來分宜恩南關則日出六點八五分，日入五點九分。

紀念日
二月十二日 清隆裕遜位南
五月九日 項城承認日本二十
十月十日 武昌起義國慶紀
十二月廿五日 共和復法興師日即

第四章 星野與兩極之測驗

一天星斗約分二種，曰行星，曰恆星。行星位次無定，如金木水火土等星是。恆星位次有定。如二十八宿之種是。然半隱半見，不易辨識。其最易辨者，則紫微垣北斗七星。古時列國分野，皆以星象為符號。星經云：北斗玉衡星主荊州。

北斗與北極辨 北極常靜、北斗常動、蒲圻塾師講論語譬如北辰章、或以北斗謂北辰、蓋誤於俗傳北斗經、引衆星共之也、

北極星非北極 北極卽北辰、無星、附近有句陳大星、冬至夜測句陳、以定北極高低、俗遂以北極星爲北極、非是、

南極星非南極 北緯以北之地、終古不見南極、湖北江南一帶所見老人星、蒲人多誤以爲南極、壽額則曰南極星輝、祭嶂則曰南極星沈、不知此特南方最明最遠之星、其去南極、尙不知幾千萬里也、

張文襄督鄂時、嘗用步天歌爲初學讀本、熟誦此歌、仰觀星象、瞭如指掌矣、今學生多不識星名、宜於夜課補習之、又南極附近有星如十字架、卽步天歌亦未列入也、

第三篇 地文

第五章 雪雨量及風向

空氣者人類生存之要素、其爲物也、熱則漲、漲則鬆、鬆則輕而上升、冷則縮、縮則緊、則重而下降、而風雲雨雪、於是夫生、

雨 蒲圻森林頗多故雨量亦足春夏潮濕重或大雨時行秋冬則往往陰雨連綿久旱需雨吏民率衆昇神以爲祈禱此風蒲圻最盛舊志載禱荆泉禱掘泉禱城隍者不一而足

雪 雪深三尺先兆豐年此等雨雪蒲圻冬令必有數次惟清康熙初雪積五旬始解咸豐末平地深五六尺光緒庚子冬一夕樹皆凝冰斷折極多晉書謂樹介則非祥實災矣

風 蒲圻春夏多東南風秋冬多西北風東風生萬物而蟲蟻亦作多爲民害西風殺蟲而蠶事大忌南風實資長養然小暑日遇之主旱蒲諺小暑南風十八朝總之天道無

全功須人事以輔之

北風來自朔漠經中原空氣調劑寒威已減更得大別武勝各關爲障故自武漢至此北風之烈不惟迴異塞北并異河南

強風及颶風 近人區風爲數種有軟風和風疾風強風暴風颶風等名稱除軟風和風有益農作外餘皆有害蒲圻稻花開時尤常起強風農人苦之春夏間間有颶

風。民國戊午三月、夜半大風、自東來南、向西北去、所過發屋拔木、明天啟二年二月、清康熙四年四月、亦然、

蒲圻距武漢近、雨量風向、大畧相同、江海險要圖志、會測有漢上風、雨表、茲據湖北地志所修正者、附錄如左、

雨量

風向

一月 一寸八二

東北而正東而東南

二月 三寸一五

東北而西北

三月 四寸三九

東北而正北

四月 八寸六三

東北西北而東南西南

五月 九寸 三

無定

六月 廿三寸二六

七月 六寸七八

八月 三寸六四

九月 十二寸三九

東北而正北

十月 九寸 四

十一月 三寸三一

東北與正北

十二月 一寸九二

東北

第六章

蒲處省南、距塞北嚴寒。粵南酷暑之地。各數千里。故氣候較和。

立春 春後寒氣猶重、往往釀成春雪、民國二年春仲、大雪、知事姚汝嬰曾紀以詩、

清光緒癸巳、康熙辛未、則三月三日、及十三日、並下雪一次、異事也、康熙辛未三月各縣牛多

凍死有一縣僅存三頭者見幽蘭集

立夏 四月漸熱、久雨亦寒、故諺有四月八、凍殺鴨之語。

立秋 七月熱漸減、秋燥或反加熱、俗名二十四秋老虎。覃壽彭苦熱行到處炎日烈如虎即指此也

三伏三九、皆極熱極寒時候、諺云、三伏不熱一點悶、又云三九二十七、籬落吹腐

粟、即詩一月疇發謂二日粟烈之也餘如四九等月、最平和、

蒲地江漢氣候畧同江海險要圖志曾測有漢上溫度表茲據湖北地志所校訂截附

	最高度	最低度	平均	最高度	最低度	平均
一月	五八	二七	四二·五	七月	九八	七·五
二月	五六	一〇	四五·五	八月	一〇	七八
三月	七八	三七	五七·五	九月	八七	七·
四月	八八	四八	六五·	十月	七二	六二
五月	九	五八	七五·	十一月	六七	四八
六月	八八	六四	七六·	十二月	六一	三一
						四六

第七章 地質

地球表面之現形，乃經過若干次地質變遷以後之結果，蓋地殼有時受內力作用，自動而驟易其形，其露於表面之岩石，因風吹雨溼，溫度變更，漸淪為砂土，砂土因風雨之力遷移而停積於低處，復凝結為岩石，此即滄海桑田之謂也。

火成巖 即初次構成地殼之岩石，蒲圻雖無著名火山，而五洪山下有泉出如沸。

湯足徵地中熱甚此或可斷定爲火山遺跡且自此至鳳凰山石色青黑質堅可爲建築材富於基性的成分與西人所謂安山崖者合。

水成巖 卽岩石變爲砂土停積水底復凝結者蒲圻密巖白煤崖等處岩石成層其桃嶺雪峯採礦者謂下層皆粘板巖尤足爲水所構造之確證。又白鹿山及洞坡等處大半白砂砌成此地在大古時疑皆海面稍高者流沙至此壅積不行日久水涸遂成爲山。

附石鐘乳及石筍 石灰岩爲水成岩之最著者其中多石洞是因石灰岩易於溶解之所致灰石溶解於炭酸水內久之炭酸飛散灰石沈澱而凝爲灰華著於岩石空洞中下垂如冰柱曰石鐘乳蒲圻穿崖洞所產是也。上蠶如塔峯曰石筍縣署所產是也。

墨池

烟煤礦苗被水溶解從石隙滲出故色黑如墨

池在今金壘山下

蒲圻土壤沿河一帶多砂蓋山水暴發挾沙泥而走兩岸田畝先受之故土皆砂質少粘性烏沙尤肥饒宜稼穡荆沙大田等團土宜似之其次則平原之青泥土又其次則

黃土層皆富粘性。

第八章 山脈

蒲圻山脈分兩大支，南金紫、北隨陽。蒲圻河居其中，爲天然界線，茲分別詳述之。

一 金紫山脈 自黃龍幕阜

水經注統稱爲桓山

諸高山迢迢而來，至塔圪佛嶺入蒲圻

界，先分鐵爐坪、炭嶺、羊樓司、銅頂腦、蓮花洞、港口驛、馬家洞、蔡家嶺、羊樓洞、張公山、趙李礮諸山。

金紫山之主峯 自分水坳羅漢巖各石山橫列數十里，始起此東南西三鄉之祖山，在縣南白石團，峻聳入雲，高出羣峰上。

金紫山之東支 仙人坪、青峯嶺、了髻山、雪峯山、梅子嶺，皆峯巒萬仞，其餘支至崇陽洪下，遞爲潭頭山、金獅觀沿河諸山。

金紫山之西支 包官嶺、筆架山、看龍嶺、羅峯、大峯、小峯、雷打尖，皆層峯插天，其餘支過茶菴嶺，爲雲台山。過高嶺爲望夫山，至太平城、黃土壩、崩壩，沿新店河東上下十餘里而止。

金紫山之正脈 自筆架山過橫坡嶺白石山，出湯塘阪，分二支，右爲五洪山、度天橋、起鳳凰山，東支爲縣治，西支起凌巖，左自烏溪嶺，過木蘭嶺，選佛社，起峽山一帶高峯，東行者爲獨山、仰山、茅山、鱗趾嶺、望山，止於沿河之黃龍車埠等處，西行者爲小壺嶺、大壺嶺、皂角坳、蒲首山，止於新店馬蹄湖等處。

蒲首山 西鄉諸山，以蒲首爲少祖，由摩尼峯下官山坳起石門山、天井山、鷄冠山、大名山，詣高峯，左起洪山、鞠頭山、馬鞍山，止於馬蹄黃蓋等湖畔，右起王子山、芙蓉山，至鹽穀灘，止於大小羅湖。

大名山 爲蒲首山脈之遠支，自此過寒婆坳，起九龍山、臨濟觀、小柏山、泉湖山、普安堂，入嘉魚界爲鐵山嘴，左至島口，大江邊，右繞柳山湖至石頭口而盡於大江之祭風台、赤壁山。

二 隨陽山脈 黃龍山自南昌嶺繞通城崇陽通山咸寧界，過小嶺，起黃葛山、葛仙山、及隨陽山，在縣東洋泉園，爲蒲圻東北鄉衆山之祖，山高十餘里，蜿蜒下趨，歷小泉、大泉、漆坡、大盪，起神仙嶺，過沙塘菴，上有天池折而西，爲東堂之金鷄坪，分

二大支

隨陽山之西支 大南山、幽蘭山、樵水嶺、八里嶺、一派高峯、共數十里、始起靈應豐財二山、與河西鳳山對峙、蒼旗鼓然。

隨陽山之北支 自東堂過皂角均、經燈籠山、石人山、占崙團、石塔嶺、張家嶺、金鷄壠、起余家菴、太陽腦諸高峯、更北趨官塘驛、山公橋、水平橋等處、盡於北門岔、西良湖畔各石山。

石門嶺 自余家菴至此、更西遞爲分龍嶺、峯巒亘十餘里、

丁母山 一名丁畝山、爲方嶺上峙分界處、山陽有石馬洞、隨陽山脈至此、更分二支、

黃岐山 卽丁母北支、繞池江團、分佈埠頭神山、又由池江過山口、東北趨、起金盆養鯉山、豬婆山、馬鞍山、御屏山、至郭家潭、衙門嘴、循西良湖而止、

磨盤山 卽丁母左支、從此向西南逆走、起天馬山、行將山、入南勤界、止於赤馬港、河北龍翔山、亦其支派也、

茗山 山產茗，故名。中穿長峽，爲嘉蒲此衢。自天馬山至通西遞，爲香石山、龜山、官兒山，入嘉魚界。後更由石鼓山、大牛山，轉入蒲圻，起畢家橋一帶山峰，亦止西良湖。釘銅山 在河北劈精團，自眞靜菴後，白板山迤邐而來，爲大馬山遠支。嘉魚之官山、大崖山、南嘉第一峯，皆由此過脈。

按隨陽山脈綿亘數百里，盡於鐘州。自此以後，多嘉魚山，不具載。

第九章 河道

蒲圻河道，分三大流域。中爲蒲圻河，西南爲新店河，東北爲汀泗河，皆入江。茲分述之。

一 蒲圻河 舊稱陸水。從水經注也。然陸水之源，謂出修水者，固誤。謂出界嶺之界首山者，亦似是而非。惟通志以爲出上雋鄉，頗爲近之。然未得其詳。按陸水實出通城張師山下，孔家源、馬港，并百丈潭等處。在通城曰上雋，曰通城河，入崇陽界。至大沙坪，曰下雋，曰崇陽河，東流出崇陽洪，而蒲圻河之名始著。

蒲河流域 自洪下灘西北流，歷石坑渡、轟泗渡、鮑家洲、黃城埠，至縣城南，遶城東，過浮橋，更西北流，經大沙洲、黃龍、車埠，出荷葉塘，越活湖，接里柳山，抵界石。凡滙潭二

十有三。潭名詳後漁業從此入嘉魚六溪口，出江。

入河諸水 木蘭港 自本蘭潭入河 塘灣港 自魯家河流入 雙坵港 自石坑渡入河 洋港 自土喬團入河

樓閣港 自金獅觀入河 荊港 雁桃泉自鴨口入河 赤馬港 自南芹團入河 白石港 發源白泉至佳樹橋與冷熱泉

合至草鞋鋪與七里冲諸 霞落港 自親樂團入河

紅菱港 自劈精團入河 龜坑港 自鼓潭上游入河 栗柴港 自劈精白駒交界處入河

二 新店河 一稱新溪蒲圻河外水道較大者首推此河。

新店河之來源 河為臨蒲界線，凡臨蒲之水皆歸焉，其遠源則出臨湘簫姑山十字坳。近源則出本縣大小港，歷羊樓司，出望湘橋而舊志遂指此為大嶠水來源，誤矣。

新店河上游水道 望湘橋附近有趙李橋、羊樓峒、南山北山水由此入河，抵皇華橋、伴旗山各水，亦由此入河，更西流出黃土壩三板橋，而屈家堰水合焉。越碧潭寺、太平城崩壩，而季婆塘、洪塘、大塘之水合焉。過此為學士灣，而雷公橋、花亭橋、青石橋、陽城橋諸水，畢會於夜珠橋，始名新店河。

新店河下游水道 自夜珠橋折而南、滙臨湘萬峯諸溪、洞水於灘頭、又大姑橋、小姑橋、新橋之水、亦自下游來、會西流、入馬蹄湖、鹿軸橋、余家橋之水、復會於東港湖、經黃蓋湖、出馬口、入江。

三 汀泗河 水源最複雜、在咸寧者、則大全山、穿石裏、三接橋爲最著、在蒲圻者、則洋泉仙人洞、及大貴谷溪、瀾、遂漸聚、匯北流、入雙叉港、爲汀泗河源、下游則合泉口諸水、並瀦於西良湖。

第十章

湖澤

湖澤凡分三種、有入流而無出流者、謂之容受湖、有出流而無入流者、謂之宣洩湖、入流出流俱備者、謂之交與湖、蒲圻湖澤如西良黃蓋、上按河、下通江、其爲交與也無疑、此外則來源不盡可攷、而下流多入陸水、要皆可以宣洩、概之分述如左。

蒲圻湖 一名西良湖、源出咸寧峻水嶺、及白泉梓潭諸溪、又西江山門池口汀家漆、郭家潭諸水、畢會、遂成斯湖、湖南岸爲衙門嘴、卽古縣治遺址、北連老阮、赤城等湖、附近有馬獅湖、大灣湖、山簷湖、畢家湖、後湖、茶湖、蜀湖、

蒲河北岸湖 自郎當湖以下有磐湖、王家湖、湯家湖、梅湖、大湖、高湖、錦湖、接里湖、沙陽湖、螺絲港湖、眞湖、

蒲河南岸湖 自西門湖外有蘭草湖、流霞湖、殷家湖、三官湖、黃泥湖、陳家湖、南塘湖、鴨兒湖、大小羅湖、黃土湖、活湖、龍坑湖、

松柏湖 在蒲圻河與新店之河間、湖形畧如人字、北連柳山湖、附近有郭公湖、左荆湖、滄湖、黃蓋湖、橋頭湖、冷水湖、東港湖、均由島口出江、

第十一章 水泉

蒲圻水泉最多、溉田無算、利澤洵孔長矣、其尤異者、或鬱燠如華清之池、或沈潛如東阿之井、或隨地潰湧、如河源之發、星宿海、是一縣而兼天下之勝也、彙紀如左、

荆泉 源出荆泉山洞、初出幽黝無聲、百步外始震撼如雷、

桃泉 距荆泉可二三里、泉小而深、下流與荆泉合、

掘泉 在縣東占崙團、相傳有婦人以杵搗地、得泉、因名、

洋泉 一名沈泉、源出咸甯味泉山、入蒲圻界數里、下注大石竇、聲如萬鼓、遂伏不

見、亦濟水之支派也。

湯泉 在五洪山下、隆冬如沸湯、浴之可療瘡疥、

白石泉 距白石山里許、出石崖中、下流爲白石港、

石人泉 在洪石團、有石突起平野、高可三丈、形似人、故名、五十步外、有泉、周環可數、武索水源不得、詳視之、皆自地湧出如沸鼎、羊樓洞彭家壠泉亦然、泉港亦在

洪石團、

烏石泉 出西良湖中 神山泉 亦出神山湖中

牛泉 出馬坳嶺石午口 乳泉 出百崖蒼後山腹

第十二章 礦物

蒲圻礦產、除芙蓉坡銻礦外、其貴重若金銀銅鐵、不少概見、而煤礦則所在皆是、至若硫礬諸石、亦礦類有用材也、特并志之、

銻 硫、銻多從硫鑛中煉得、芙蓉坡產銻、硫之豐富可知、

礬 五洪山下有溫泉、袁鬪以爲中有礬礦、流經此自溫也、

赭石 產荆泉九土、阪大小峯尖、俗呼銀硃石、掘之供丹鉛用。

石墨 爲純粹之炭質、色黑如鉛、有光、鴨兒湖上燭墨石、疑卽此石之見榮者、俗傳張果老煉丹於此、真神話也。

煤 分柴煤白煤二種、不含磺者爲上、含磺者次之。

產地 東鄉桃花嶺、鷹木崖、將軍山、雪峯山、柿樹坳、南鄉仙人坪、高家山、西鄉苦竹橋、橫壠、麻石井、北鄉任家橋、大山頭。

按蒲圻四鄉均產煤、要以東鄉爲最。東鄉則首荆沙、鷹木崖、桃花嶺、均產白煤、火力甚強、不含硫磺、上品也。將軍山炭層厚二丈、礦產之富可想、仙人坪現出炭甚旺、煤質亦佳、當與柿樹坳並論、苦竹橋大山頭出產雖豐、微含有磺、且多粉末、雷峯橫壠含磺更重、雖多未能及遠、此外或未開辦、或已停歇、不具論。

第十三章 植物

苞茅夙誇楚貢。杞桑並美楚材。正不徒江陵千橘。致富比千戶侯。爲當世所艷稱也。蒲者、楚之一份子、土地沃饒、天產甚富、草木之蕃殖、花卉固足供賞玩、而科學發明、資

利用者尤多，茲擇其最著者紀之。

(一) 草本植物

蒲 葉形如劍，故有蒲劍之稱。西良湖側最多，蒲圻得名以此。

蕪 葉似馬蹄，莖紫色，柔滑可爲羹。蒲圻純塘以產此著名。

連 花香美，子食之能清心。其地下莖亦可口。磨碎澄粉尤佳。各鄉池塘野生者多。

惟大田荆沙人種之田，獲利較優於穀。

白菜 俗呼襄陽白，種來自襄陽也。西門最佳。北門營內次之。

萊菔 俗名蘿蔔，其嫩芽最適衛生。莖短圓而大，隨地可生。東洲所產尤勝。黃龍泉

口等處，產量浸相埒，然終遜其風味。

芸薹 俗呼油菜，葉肥嫩時可食。子可榨油，渣可爲肥料。產地以大石橋一帶爲最。

每二月花開，望之儼黃金世界。

玉蜀黍 土名包穀，東鄉皮家嶺、富家嶺，產最富，常以繼糧。

菸葉 六月開花，淡紅色，占崙官塘汀泗等團多產之。

玉竹 一名尾冬、蒲山到處產之、故有蒲玉竹之稱。

菱 車埠鷄鳴港產最佳、花隨月而轉、實而兩三角不等、

蘭 四鄉山谷皆產之、惟九穗十穗者少、幽蘭山以多產著名、

(二) 果木植物

梨 樹高數丈、花開如積雪、入秋果熟、南鄉中心坪所產頗富、

桃 二月開花、花後生葉、五六月結實、荆沙團芭蕉端、種有百餘株、其實甘芳肥碩、

地在萬山中、亦今之桃源也、

粟 洪石雲車嶺多產粟、有茅粟、板粟、俟粟、尖粟、水粟、五種、

李 二月開白花、夏仲果熟、北鄉桐子嶺、月山灣產最盛、

梅 冬月開花、來年四月結實、堪充藥餌、嘉蒲界上多產之、

棗 木心赤、四月生葉、五月開小白花、花落結實、產雲台山、

橘 葉綠花白、果皮色青、熟則黃赤、皇華橋饒氏園種有數十株、每至冬令綠葉間

朱實離離、亦足觀也、

石榴 果熟則開裂，顆粒整列可觀。洋泉仙人洞，舊有此樹。

烏臼 子可榨油，水邊籬落，觸目皆是，惜無人解接博振轉諸法。

(三) 喬木植物

柏 一稱側柏，葉爲鱗片形，材木製器甚美觀。大田黃沙寺費公柏，大二丈，長十餘丈。龍坑靈濟菴亦有一株，皆千年老木。

松 葉如針，常青，與柏同。蒲俗墓道多樹之，近年需用甚夥，伐去者不少，惟鮑家洲森林最盛，鄉民嘗有盧竹鮑樹之稱。

枌 葉新陳相換，花黃赤色，紋理細密，世稱良材。洪山寺側一株，大數十圍，高十餘丈，老幹無枝，而生氣拂拂，信珍物也。

杉櫛 蒲諺云：子孫屋櫛杉木。以質堅而蟲蟻少，宜於建築。故樹之者多，然要以柘坪及大小港山爲最。

檣 紋理密緻，色赤，製器甚美觀。東鄉出產頗多，然連抱者少，惟芭蕉埔社廟前二株大皆十圍，亦被伐作枕木，惜哉。

楓 幹高二三丈，各鄉皆產。峒市紅茶箱板及壓磚機器，並用楓木採伐，類仍而向之稱楓嶺。楓坡者，或不見一楓樹矣。

檀栗 木質堅韌，爲造車及建築要需。南鄉蔡家嶺、邱家山、荷葉山等處，多產之。

楊柳 親樂白楊山，及南鄉楊林團，並以產楊著。柳則沿河最多。

梧桐 葉鮮綠闊大，蒲俗多植於庭院。讀六友山房記可見。

木蘭 石坑團木蘭山，因多產此樹得名。

第十四章

動物

蒲圻東南多山，西北多湖澤，野味時鮮，固已充捫林藪矣。而私家所畜，亦復日增蕃息，雖種類紛歧，更僕難數，而其犖犖大者，固有足紀也。

(一) 家畜動物

豕 家字從豕，蒲民無貧富畜之，然不足供一邑之食用。來自沔北及雋水者，歲亦不少。

犬 性警敏，善嗅獵戶畜之，常使逐捕狐兔，清咸豐壬子，千總胡起太死，粵難，犬

守其尸七日，則不惟靈敏而且義俠矣。

午 分犛牛、水牛二種，犛牛小而水牛大，蒲民所畜，則水牛少而犛牛多，肉味甚美，革價亦昂，鄉民多私宰者，大妨農事。

馬 力强善馳騁，蒲圻城市昔多畜之，以供服乘，自郵電興、驛站裁、鐵路通，往來便，武科停、騎射廢，而畜馬者日減少矣。

羊 分山羊與綿羊，蒲邑山澤間多畜之，然終不蕃殖，每歲秋冬各鎮售羊肉者，多來自河南云。

鷄 蒲俗家畜一雄數雌，供司晨產卵之用，近鷄蛋爲出口大宗，養鷄者多獲利，惟丁巳辛酉兩遭潰兵，沿路鷄無遺種焉。

鴨 蒲民畜鴨，不如畜鷄者之多，惟荆沙團留軍坡村民，以養鴨爲業，家常數百頭，今完全售朱姓近港口一帶，居民多畜洋鴨云。

鵝 蒲民視爲玩物，畜之者少，蜂 釀蜜之利，視爲自然。

(二) 山野動物

鳳 蒲城西南有鳳凰山、吳黃龍間、鳳集於此、故名。

雉 一名野雞、蒲圻湖山各半、山雉胸骨突起、湖雉則平如舟、

鷓鴣 色黑如鴉、喙長微曲、善沒水取魚、蒲圻河鷓鴣潭最多、

鷺鷥 毛羽純白、林棲水食、蒲圻沿河深林、如鮑家洲、皇華橋等處、每夏秋間、林木

爲滿、鳧 雁 則以湖澤爲多、

烏 雀 鳶 鴟 多於村鎮附近覓生活、

狐 形似黃狗、尾大、脊毛深厚、而有光、蒲圻山澤皆產之、

兔 胎生、蒲產分兩種、山兔毛色麻而黃、湖兔則麻而黑、

獾 分狗獾、猪獾二種、穴居喜睡、蒲民多於山畔蹤跡之、

獐 麋 獐覺屬、無角、麋小於獐、有角、喜鬪、獐毛粗而麋毛柔、東南山鄉多產之、大

爲農害、而山農亦多工設罟以拴麋、

虎 豹 虎毛色黃、間以黑斑、豹紋或作金錢、及艾葉形、製裯褥均美觀、清康熙末

蒲山多虎、常白晝出傷人、港口望夫山豹尤多、獵戶蔣姓、三年曾獲九豹云、

蝙蝠 似鼠非鼠，荊川清谿諸山洞有白蝙蝠，大如鴨，蒲產則皆小而灰色者，矢多蚊眼，號夜明砂，能療目疾。

(三) 水族動物

鮭魚 俗呼春魚，以春天產卵，自海溯江入河。蒲圻惟新店河上游畢家畝一帶有之，居民設罾撈取，隨取隨焙，味極鮮美。

銀魚 卽膾殘魚，出蘇松江浙，蒲圻黃蓋湖亦產之，長一二寸，圓如筋，白如銀，僅目有兩黑點，食之味美，醃者名銀魚乾。

鱸魚 長僅數寸，狀如柳葉，俗呼楊葉鱸，蒲邑溪澗最多，張白純回龍洞記，石鱸潛遊，形影碧亮，卽指此也。

鯉魚 長者達三尺，背鱗多帶金色，味美，蒲民最重之，至冬月用鹽醃晒，揀鱗尾完全者，以除日薦於祖先，謂之財魚。

鰱魚 與鯉同類而體較小，色黑，肉厚而味甘，所在池澤多有，惟蒲圻河沿岸石穴所產，俗呼石鰱，尤肥小而腴美。

鰻魚 一名魴魚小頭、縮項闊腹、扁身味腴美、黃蓋湖多產之、丁巳冬、宋訓臣起鱖、所得約值千金、大半皆縮項鰻云、

魴魚 狹而長、狀如尖刀、鱗細色白、滄湖最多、俗呼滄魴。

鯿魚 色白少油膩、喜食湖草、西北湖潭多產之、俗呼草鯿、

鮎魚 一名鱖魚、團圓滑無鱗、有鬚、蒲圻舊所屬鮎濱鎮以多產此魚、故名、今已割歸嘉魚、

龍 西良湖某潭有婦人晨起汲水、見一物橫亘湖汊、長不可度、衆往視之、龍也、又凌巖白龍寺、以白龍從池中出故名、

第四篇 人文

第十五章 沿革

蒲在虞夏商周時、疆域無可攷、大約皆古荊州地、春秋戰國屬楚、秦爲南郡、至兩漢始有沙羨之名、屬江夏郡、建安十三年吳程普守江夏、治沙羨、即今武昌府治也。

吳嘉禾三年、將軍呂岱領潘璋士衆屯陸口、後徙西良湖側、屬武昌右部、是爲蒲有縣

之起點、湖側多蒲、縣名以此、

晉太康元年、分置郡邑、蒲圻屬荊州長沙郡、通志一云 惠帝元康初、分桂陽等七郡

立江州、以蒲屬武昌郡、東晉為汝南郡、

南北宋為郢州、屬江夏郡、按宋書地理志文帝嘉十六年分長沙之巴陵蒲圻上雋江夏之沙陽立湘州則蒲在宋時原屬長沙

而方輿紀要及通志皆云屬江夏、考 蕭齊因之無改、

梁為上雋郡、合崇陽在內 又有沙陽縣、即今嘉魚 又分置沙州、尋廢、隋平陳、郡亦廢、分荊州為

郡二十、改名鄂州、蒲圻仍屬江夏郡、又以沙陽併入、開皇十二年、洪水泛溢、縣治漂流、

乃就鮑口權立、

唐武德四年、使人王宏讓、刺史周和舉、就陸溪川中權為縣、貞觀七年、仍還鮑口、即今

治也、按蒲舊有鮑山石頭山魚嶽山嘉魚縣之得名以此南唐大中間始升為縣

唐鄂州江夏郡、領縣七、四蒲圻、土貢銀、錄貫布、有鳳山、監錢官、唐末屬湖南馬氏、後入

南唐、分置嘉魚縣、見文獻通考又通考注蒲圻吳縣有赤壁嘉魚本蒲圻地隋

擊仁宣化等三里、合為一鄉、屬鎮、微 科楊吳時升為嘉魚縣、見寰宇記

宋爲武昌軍領土一仍唐舊、宋初置荆湖南北路統二十四州郡屬北路至道
 定十五年元改武昌路屬湖廣行省所統郡邑如故
 改壽昌軍

明爲武昌府洪武甲辰二月置領州一縣九四蒲圻

滿清分湖廣爲南北二省蒲圻屬湖北省府縣仍舊

民國成立廢府分三道八區圻屬江漢道第一區

蒲圻縣沿革表

朝代	總部	郡	縣
唐虞三代	荊州		
春秋戰國	楚郡		
秦	南郡		
漢		江夏郡	沙羨
東漢	荊州	江夏郡	沙羨
三國吳	荊州	武昌郡	蒲圻
晉	江州	長沙郡	蒲圻
宋齊	鄂州	巴陵江夏	蒲圻
梁陳		上雋	蒲圻
			合崇陽在內

隋 鄧州 江夏 蒲圻

唐 鄂州 江夏 蒲圻 天寶中分置唐年縣今崇陽縣通城也

五代 鄂州 蒲圻 南唐保大中分置嘉魚縣

宋 武昌軍 江夏 蒲圻

元 湖廣省 蒲圻

明 湖廣省 武昌府 蒲圻

清 湖北省 武昌府 蒲圻

民國 湖北省 江漢道 蒲圻

第十六章 疆域

蒲圻城周七里三分爲門六，東聚奎南迎薰南西丰樂，西寶成北拱極西北匯通，在省治西南三百六里，與

本省之咸寧、嘉魚、崇陽及湖南臨湘、四縣毗連，壤地犬牙相錯，賴有山水以爲標識，

東北界咸寧 汀泗 北接咸寧，本鎮爲界上之標準，

洋泉 東黃泥坪，北七里冲，均界咸寧，界上要地，味泉山，

東南界崇陽 石鏗 洪下市東接洪上，以洪石灘爲界，

荆沙 東接三山源，以水嶺萬家嶺爲界，

洪石 夏家嶺南接方山，以佛嶺爲界，塔坳亦界上要地，

南西界臨湘 洪石 羊樓司南接臨湘市、以河爲界、

新店 河自港口城西流入新溪、名新店河、西與臨湘之灘頭市接、界上要地萬安橋、

西北界嘉魚 洪山 西接嘉魚鐵山嘴、界上要地黃蓋湖、

小柏 龍坑 均與嘉魚接連、以柳山湖爲界、

白駒 西接嘉魚之官山大巖山、界上要地八斗閣、

方喬 北隣南嘉、以董家嶺爲界、界上要地白湖、蜜泉湖、

第十七章 區劃

蒲圻縣東南一百一十六里、南北三十七里、見湖北地志向沿地方習慣、析爲四鄉三十

里、四十四團、民國二年、分全縣爲六自治區、鄉制微有變更、而團名都里如故也、茲分著如左、

一 鄉團之區劃 城內置城廂團、餘四十三團、分隸四鄉、

東鄉 南勤土喬洋泉大貴官塘
荆沙石坑雙坵占崙汀泗

南鄉 大田來山楊林新店港口
白石馬坳城西新興洪石

西鄉 白蘿蕭橋車埠黃土龍坑楓橋
官田斗門白駒峽山小柏洪山

北鄉 親樂塋精安豐方喬馬獅
黃龍王寺坪下官橋池江 郭連凡十一團

二 都里之區劃 都里爲戶米所係名雖不著未可忽也

一七都上 二四都 上三都 五都 九都 十四都上 十八都上

一七都下 六八都 下三都 十都 十四都下 十八都下

十九都上 十五都 十一三都 二十三四五都上 二十六都 上三十都上

十九都下 十六都 二十三四五都下 二十七都 上三十都下

下三十都上 市上 三十二四都上

下三十都上 市上 三十二四都下

附論鄉團都里沿革 邑舊有三鄉西南吉陽鄉統七里東北長樂鄉統二里西南沙

陽鄉統四里宋元祐初以長樂益咸甯明洪武中分爲四十三里永樂并爲三十八里

宣德並爲三十里嘉靖間編制稍殊萬曆一仍宣德滿清因之增爲四十四團

都里淆亂之原因 清制百一十戶爲里統十甲爲一圖甲係於里里係於鄉潘圻不

然人編數戶，分係數里，鄉地不得而係之，原其故，始患官司橫暴，而率爲畸零，其後豪猾之戶，利其飛洒詭寄，隱匿包攬，諸弊，而因緣胥吏以爲奸，胥吏亦利其弊而甚之，而舊籍蕩然矣。

三 自治之區劃

城自治區 一稱中區，城廂南勤、荆沙大田、白蕪、親樂、

峒自治區 一稱南區，洪石、港口、來山、白石、

新店自治區 由峒分、新店、新興、城西、楊林、馬坵、洪山、

石坑自治區 一稱東區，除南勤、荆沙、劃歸城自治外，餘仍舊、

車埠自治區 一稱西區，除白蕪、洪山、劃歸城廂外，餘仍舊、

神山自治區 一稱北區，除親樂劃歸中區外，餘仍舊、

按市鄉自治，向本五區，後董令欽，擬援九區投票之說，交議分割，僉以自治係永久性質，與選舉投票臨時性質不同，用費浩繁，置區不易，惟南區地廣人稠，財力較裕，咸主劃分，而六區遂爲定制。

第十八章 種族

武昌首義、以排滿爲號、召共和、成立復合漢滿蒙回藏爲一家、種族之見、又漸泯矣、蒲圻民族、向皆漢種、然移殖有先後、而後來每覺居上。近則回人滿人、間有入籍者、岷江之源、始於濫觴、雖寥寥三戶、亦未可忽、並志如左

土著之漢族 蒲圻置縣時、歐駱余三姓、卽世居此地、諺云、歐駱余三姓一家、又舊志載駱瀚、歐陽炳和、皆漢末人、其卜居之早、已可概見、然今並衰微、不克自存、

移殖之漢族 元末明初、江右民族、多自進賢縣、瓦子街、移居蒲圻、近月盈千累萬、之盛族、皆此種類也。

回族 蒲圻城鄉、間有回民、然多來自河北、商販於此、日久遂成土著、夙性嗜羊牛、不食豚肉、葬惟用子午向、風俗與漢微異、

滿族 民國初元、政府將荊州旗民安插各縣、吾蒲始有滿人、然僅居城內、而四鄉無有也、今則死徙者過半矣、

附論民數 蒲圻人數、清光緒初、約二十餘萬、自乙酉大疫後、戶口類多衰耗、近各姓

續纂譜牒，皆云人丁損三之一，民國成立，調查人口，東西北鄉皆三萬以上，南鄉則五萬以上，可十六七萬人。

第十九章 語言

蒲圻方言，在清濁間，游學異地，及商販各省者，皆習漢語，國語，或外國語，惟山僻耕作，與守舊之士夫，則多操土音，茲舉其特異者。

爹爹 蒲之北鄉人呼父爲爹，西南鄉則呼父爲爺，呼祖爲爹。

媽媽 蒲俗妾生子呼嫡母爲娘，呼生母爲媽媽。

相公 蒲俗稱人兒子也，京城則以此爲賤稱，猶屬上之稱先生也。

黏米 糯米性粘滯，宜稱黏米，蒲人則呼粳米爲粘米。

滾水 波浪滾滾，謂冷水也，蒲俗則呼極熱水爲滾水，蓋以沸騰狀似滾滾流也。

降 順從也，蒲人則呼執拗者爲降，猶尙書注馴擾爲擾治亂爲亂也。

吸 西南鄉人呼乳爲吸，蓋取嬰兒口吸之義也。

喊 南鄉呼喚人謂之喊，東鄉及城內則謂之啣。

困渴睡 蒲俗呼睡覺爲困渴睡，意謂困倦矣，且去睡。

上了當 謂人受損，過不得，謂人不安。

高嶺劉午僑先輩曾集蒲諺爲歌謠錄之，亦足覘蒲圻土風焉。

刁民潑婦真無賴，傻子呆駝太不靈。播拔似聞捶麥响，哎喲疑受打拳聲。養牛連唱於哪夥，拍馬羣呼溜屁筋。怎樣問渠爲麼事，相羸讓子佔幾分。鑿槽情性難容世，囉唆論言那可聆。這個鄉談真古董，楊雄採並太玄經。

蒲圻語言因毗連陵縣多有類佐者

崇陽語 荆沙石坑，如楓樹嶺，東流港十字坳一帶，尾聲多近崇陽。

臨湘語 自羊樓司至新店，沿河一路，口音半似湘人。

咸寧語 汀泗橋街坊居民，詞氣之間，多雜咸寧語。

嘉魚語 方喬白駒人，與南嘉民相錯處，鄉音亦多相類。

南蠻鳩舌北，方譏楚人語也。今漢話通行天下，昔日土音已改革殆盡，吾蒲鐵路便利，山澤之癩，無不出外游歷，縱不能狎通東西洋語言，亦宜稍習國語也。

文字附論 文字爲語言代表、世界文字、約三百餘種、蒲民所通用者爲漢文、漢字近
日士尙進取留學海外及國內大學卒業者莫不各擅長、一國文字東文有但壽、覃壽
公吳祖蔭等英文有余日章、黃昌穀、劉樹杞、雷以綸、張翹等法文有賀之才、賀牧西等
俄文有賀之俊等德文有劉樹仁、雷羲等而以習英文者爲尤多、凡卒業中小學生無
不通英文、人才輩出、文化日增、祛從前蔽塞之風氣、而漸卽開明、又何蕪川之不能遽
易爲南通也哉、

第二十章 宗教

中國宗教、向推孔子、老子次之、佛耶則遠自西來、歷代崇尚不同、遂因之互有盛衰、今
則信教自由將訂之國憲、吾蒲民雖富於保守性、對於各教又烏能歧視哉、爰分志之、
以著吾蒲民信仰之所趨焉、

第一節 孔教之信仰

孫吳置縣時、戎馬控摠、禮教未遑也、迨唐改遷、今治、鄭元瑾首於金疊山建學宮、是爲
尊孔之濫觴、宋遷城南、昉建黌基、乾道中更修宮廟、而費任廖周諸公、始以儒學顯、竹

溪新溪兩書院，亦相繼成立，孔教遂漸被全邑。胡元入主中夏，九儒十丐，嚴分等級，實宗孔者之厄運也。而知縣王斌，乃加意學政，韓世輔復於學宮建敬德堂，斯文遂得一線留遺，自明及清，而孔教乃大昌。

碧巖 在蒲首山南，明魏觀當元末，來此建亭讀書，後佐太祖勦猷卓著，世亂則隱居以求志，治則行義以達道，孔子之徒也。

凌巖 在鳳山西，明仵瑜、廖道南、謝鵬舉讀書處，仵之節義、廖之文章、謝之政事，均卓越一時，足分尼山瓣香矣。

鳳山書院 學使蔡潮遷雒陽祠，因其址建書院，明示邦人以黜釋崇儒，又山巔一亭曰仰高，其願學孔子，已隱然言表。

龍門書院 縣令王雲翔建，邑人宋客山講學其中，造就多人，客山究心性理，著有五經條纂，闡明聖學，孔教的派也。

五經山 謝長慶構塾山陽，友教子弟，從游者人授一經，其後謝登啟、馬之鵬以詩以易、遞登賢書，孔學之盛，可見一斑。

心山社學 王祚垣、黃圖昇等三十八人，結社茲山，講明孔學。

近學科雖改，不專以四子書取士，而蒲民崇尙孔教之心，依然未替。每逢至聖生日，衣冠致祭者，所在皆是。洞鎮文昌閣，猶爲隆重。

第二節 佛教之信仰

蒲圻佛寺，凡四十有八，肇迹於唐，歷宋元而盛於明。朱元璋以皇覺寺僧而有天下。姚廣孝以嵩山寺僧而爲佐命。故明世君臣多奉佛。士大夫化之，而祠廟遂盛。清之順康、雍乾，雖並佞佛，要不若明代之甚。故廟宇之修葺者多，而創建者少。

延壽寺

在金疊山，唐永貞中僧威公建，有藏經閣。清嘉慶時，知縣鄭家屏重修。附

有義學。

咸豐二年兵燬。

白石寺觀音寺、洪山寺均延壽寺分

鳳凰寺

唐廣德二年，都峯和尚建。明洪武中，歸玉岩重修。玉岩熟諳地理，爲緇流

之佼佼者。

八案廟、張王廟均鳳凰寺分

雪峯寺

唐咸通二年建。山勢奇險，盤旋而上，約三四里許，忽平衍，寺藏其中。遙望

江河，宛若襟帶。宋及明清皆重修。

上方寺 在荆沙團、玉巖山、唐僧道馨建、明謝師啟重修、清康熙中謝允璣迎洞山

元潔和尚住持、東南各寺、多洞宗焉。

碧潭寺 唐僧照公建、後倚古城前、繞長河、頗佔形勝云。

木蘭寺 明建僧太玄、少入空山、恪守戒律、臨終趺坐誦經而逝、

百巖菴 開山祖爲大雲和尚、能詩不著姓字、殆明末遺老、

蒲圻先進奉佛者

袁刺史昭文手書金字金剛經、藏大賞團青龍寺、

魏司徒說致仕歸、惟日與老僧說法、家有放生池、魚尾皆有紅印、見公與邑令書

饒若蒙自六合縣令解組歸、於蕭橋桃花井上築菴居之、

宋乘榮刺饒州歸、建羅峯寺於花紅山、爲退隱地、

馬淑昌究心釋典、講學雪峯寺、人稱雪峯和尚。

鄒應錫息心內典、馬亦昌好禪、足迹遍天下名山、

第三節 道教之信仰

蒲圻道觀似不若佛寺之盛，然其人材俊逸，往往傑出浮屠上，雖不皆蒲產，而楚材晉用，亦有足供紀錄者。

黃葛山 相傳葛仙翁，黃真人，先後來此修煉，上有丹竈劍池，水清冽，飲之愈疾，朝禮者日多，縣令某惡之，塞井夷竈焉。

仙人洞 唐道士劉元靖訪道南岳，借經吾蒲，曾小住此山。

玉山洞 在西郭外，鳳凰山側，荆山道人王玉愛其山水，因徙居焉，廖太史燕崖棲竹日，龍洞貯蘿烟之句，爲玉作也。

五岳觀 在南門外，故山川壇，宋端平間，道士陳洞卓錫金疊山，族類頗盛，明學使蔡霞山，取其地改爲書院，遷觀於此。

張王廟 道士夏靜齋，善畫，人亦瀟灑，無塵俗氣。

天井山 道士楊足五工詩，書畫亦可觀，爲羽流特色。

蒲圻先達奉道者

楊易生汪伴江漢間，自言年已百歲，誨人以修身養性之學，旋歸結茅以居，絕粒啖

泉日一勺，久之端坐化去。

以上所列皆道家所謂玄門也。玄門祖老子，不畜妻室，清淨無爲，一以修真了道爲目的，故曰玄門。此外則更有所謂堂門者，其人大都祖張道陵娶妻長子孫，一脉相傳，宗教卽本家教，故曰堂門。此等道派蒲圻近日殊多，茲擇其最著者言之。

普濟堂

集福堂

惠慶堂

祖興堂

李家堂

范家堂

舒家堂

柳家堂

老聃道德五千，本哲學家言，其後至流爲燒丹煉汞，服食求仙，已與老之本旨有間矣。然猶不失爲自修也。若夫娶妻生子，名爲奉道，實俗人耳。乃假醮禳之術，餽口四方，則歧而又歧，何足道哉。

第四節 基督教之信仰

西人傳教吾蒲者，分新舊二派，舊教流傳久，人數多，新教設立日淺，似不如舊教之發達，然寬以歲月，當不難並駕齊驅也。

天主堂 本堂設縣城倉嶺，洋式樓房，橫亘半街，十字架竝立，幾與金疊山爭高。車

埠、新店、羊樓洞、茶菴嶺、馬坳嶺等處，並有分堂。堂內多附設初等小學，設備以城堂較爲完全，經濟獨立，不受時局影響。教民與地方人亦漸就融洽，爭訟日少，而教與教相仇殺，則以新店爲多。

福音堂 在南門正街，其地向有真神堂，後廢，基址完全，售與福音，今已修洋樓數棟，洞鎮蘇家堰設分堂一所，一線清流，滌淨塵囂，頗稱得地，神山、青石橋，近亦設堂，堂置教員一人，薪俸由西人給發，城堂學科分十門，頗稱美備。

聖公堂 在新店古臺寺，南駐堂，僅有司事，而牧師則間一至焉，向常與天主堂相爭，屢釀重案，今則漸洽矣。

基督教流傳之由來 清光緒間，蒲圻始有基督教，其時信者尙少，自張南皮請丈屯田，而所委非人，貪婪粗暴，稍與齟齬，卽撰法網，鄉民無可奈何，皆爭入堂以求庇護，而教遂盛於西南。然以下等社會爲多。近年南北戰爭，潰兵北去，沿路寇抄，第七師繼至，復恣焚掠，商富之生命財產，寄天主堂者，並得保全，而安司鐸之功德，且騰頌士大夫之口矣。淵魚叢爵，誰之過歟。噫。

新舊教之異同 天主堂、舊教也、福音堂、聖公會、新教也、舊教有四規十誡、限束最嚴、凡爲神父、不得娶妻、爲教友者、不許納妾、新教則規限稍寬、且政學兩界入會者多、故經費頗裕、會內孤貧、皆有周濟、擅一長者必設法位置之、舊教雖亦慈善爲懷、似不能如此之周洽也、

第二十一章

禮俗

風尚因習慣而成、儀制隨方里而異、知此可與論蒲圻之禮俗矣、蒲民之衣食住、猶夫人也、然自鐵路四通、奇技淫巧、畢萃於都市、故近城鎮者習奢華、而山澤則尙樸素、風氣固判然兩截、至於婚喪時祭、蒲人動云遵文公家禮、究之彼此兩地、相去不十餘里、已互有異同、又何論東西南北之各自爲鄉者哉、然節目雖異、大綱固不甚相遠、茲特志其概畧、備省覽焉、

(一) 婚禮

早婚 蒲圻男女十四五六卽合婚、未成年而婚嫁、殊不合禮、近蕪報提倡遲婚、於人種生計兩問題、大有裨益、

聘儀 蒲民初生，父母卽爲定親，親定則互換庚牒，男家或取金玉貴重之品爲贈，名曰壓書。亦有以錢伐者，通人不取。女家則報以刺綉等物，近更有新例，凡男家不願纏足者，

卽於庚帖註明。

童養 蒲民無力娶婦者，多抱養女嬰，以爲兒媳，或尙未有子，先抱養以待，故年齡多相懸隔，因此而致離異者，時有所聞。

親迎 登門迎娶，古禮也，清感同閭，蒲俗尙行之，今則廢矣，逆女多用彩輿，近有用花車者，而蒲圻無此也。

圓房 童養媳成婚，謂之圓房，向不開賀，今則紛紛張宴，花燭燕客，向惟送賀儀者，方下請帖。今則普通名帖，滿天飛散矣。

交拜 蒲俗交拜祖先，與西人交拜上帝，同一平等主義。

交杯 男女新入洞房，茶各一杯，交換飲之，卽古合巹遺意也。

因孝 臨喪嫁娶，謂之因孝，揆諸哀樂不同時之義，失禮甚矣。

搶婚 彼此爭妻，常有搶婚之事，野蠻至此，尤不合禮。

贅壻 蒲民贅壻多再醮婦，俗謂招夫養子。以女贅人者殊少。

二喪禮

成服 父母歿，三日內封殮成服。世族多延士紳行三奠禮，村農則多延僧道追薦，謂之伴棺齋。

開弔 訃告親朋，則各送輓聯祭幛，以志哀悼。喪家亦原情而授以帛，今議折送現金，或則改贈花圈，未知於禮何如也。

弔堂 喪與其易也，寧戚。今富室鋪設弔堂，用布或數百匹，恣爲奇巧，則繁儀盛而真情薄矣。此等風氣，以城峒爲盛。

出殯 或時期促迫，不及行禮，則暫殯宅右，以待籌備，亦有因未獲吉地，殯以有待，然久於暴露，不如速葬之爲愈也。

堪輿 蒲民迷信風水，卜葬必延地師，業此者亦以輿地堪天自負，然能以弧三角算太陽，到方輿經緯度相應者不數覩也。

路祭 每當出殯，戚友多携牲禮，祭於道旁，祭畢，卽用以犒舁夫，而村民或任意苛

索殊非禮也、宜急加取締、

七七 舊俗此期間內不薙髮、今行之者少、惟每七日、猶燒紙上供、

追悼 蒲俗向無所謂追悼也、近新店楊紳燮卿因兵變遇害、其子商會長玉墀君鳴冤省縣、上峯特令開追悼會以慰之、

服制 古制三年、滿清時父服二十四月、母更有餘孝三月、民國統改爲廿四月、然蒲邑鄉民則仍用三年云。

(三) 祭禮

蒲邑祠祭、約分數種、有祈年穀者、維世教者、崇德酬庸、及報本追遠者、祠廟至多、而皆可以公祠私祠統之、

先農壇 在河北龍翔山、後改馬鞍山、每歲仲春亥日致祭、

社稷壇 在豐樂門外、每歲春秋仲月上戊日致祭、

城隍廟 在仙游坊、歷代禱雨有應、每歲以五月望日致祭、

文廟 在城南、每歲以春秋仲月上丁日致祭、

武廟 民國改延壽寺為關岳廟，每歲以上戊日致祭。

名宦祠 祀歷任官吏有政績者，如唐鄭元瑾、宋朱壽昌、明柯日新之類，惟宣公祠在盤石湖，因築堤有功，就其地祀之。

鄉賢祠 祀本縣宦績昭著，如宋費師古、明魏觀等。

忠孝祠 祀歷代忠臣孝子，以上皆公祠，其祭有一定日期。

私祠 各姓宗祠支祠，皆為私祠，其祭之日期不一，規約亦異，祭期吳姓春祭，以二

九月十五洪山宋姓以冬至日其餘春祭多以清明秋祭多以霜降取春露沾濡秋霜悚惕之意 規約 賀姓用帖劉姓用票饒宋等姓皆

用

按前清祭祀時，士民皆禮冠禮服，極為整肅，今則便服者多，無著民國制服者，章服不一，時局可知，亦世道之憂也。

(四)器用

農器 詳後農業門田器表

食器 蒲圻鄉農多用湖北湖南粗料盃蓋，富家則悉用洋磁與贛磁，昔之象箸今

一變爲錫筋錫匙。

工作具 羊樓峒磚茶機器、新舊式皆備。詳商業磚茶製造表婦女紡織機皆舊式、惟從前

貧民工廠及新店普濟工廠置有新式機數十具。

陳設具 昔日鏡屏、今改時辰鐘及洋式花瓶、昔日三台棹、羅漢紗帽几、今亦改用

寧波式、然惟城市商富則然。

文房具 省城舊有太極圖筆墨、學者向多購用、近多改用湖南筆、及自來水筆、日

本紙輸入尤夥、荆泉紙廠方議改造、然尙未實行。

雨具 新堤木屐、平江傘、蒲民慣習、近則多用洋傘、洋皮靴、

奩具 婦女向帶銀戒指、今則易銀爲金、游俠少年多效之、而紳學兩界、亦隨流波

靡、則真不可解矣。

舟 津逮則有渡船、商販則有蒲圻艚子、載客漢上者則有小大輪、汀泗神山新店

俱通行。

車 土車有把手、有肩頭、以檀栗爲之、南鄉最多、主運茶箱、

轎 南鄉人好乘帷轎，各鄉亦有仿效者，然終以竹兜子爲多，婚嫁仍用四轎，此外則縣官間乘之，今亦改用藤轎。

玩具 昔日象棋、葉戲，今一變爲雀牌，爲撲克，城市尤風行，小兒遊嬉，城市喜放風箏，鄉里則多踢毬子、抽陀螺焉。

(五) 衣服

常服 清光緒初，鄉民家家紡織，多服大布，中年以後，洋布價廉物美，而本地棉花日貴，紡織者無利，農民亦爭服洋布，機杼之聲幾絕矣。

禮服 鄉里嫁娶，向以嗶嘰羽毛爲尙，後漸尙織花羽綾，富室間用銀綢，至光緒末年，中人之家亦爭服銀綢，及海狐絨，民國成立，綢絨且不貴，而爭用細花摹本緞焉。

夏服 青絹小衣、竹布短衫，雖車夫田父亦服之，家小康者，平居多服夏布，出門則官紗紡綢，不以爲侈矣。

冬服 蒲俗向惟年老人服裘，而輕裘者少，今則一般青年均羔裘如膏矣，甚至不

屨服羊裘，而爭衣狐貉及灰貂焉。

制服。士紳服民國大禮服者極少，學生入校，亦鮮著制服，甚有脚不蒙襪者，人而無禮，君子懼焉。

襪。四民皆著，四季常著者士也，向惟用白色本機布及竹布，今則洋紗機器襪，五光十色，盛行於時，然薄而易壞，價復奇昂，鄉民以其美觀，爭相購買，殆未從經濟上計算也。

風俗至此，奢華極矣，蓋自民國元二年來，茶價與麻價互漲，財力既裕，居民遂奢侈無等，今麻價雖尚存故步，而茶價之跌落已甚，鄉民無力更購絲布呢絨，乃自種棉紡布，以爲衣服，而風氣亦漸漸復古，惟巡警服裝，全城僅三十人，而劉前任之報銷，竟至千餘金之巨，使後人一如劉也，則糜款無已時矣，可勝慨哉。

(六) 飲食

飯。全縣皆食稻，有不足者，夏佐以豆麥，秋冬佐以藟芋，甘藟切成絲片曝乾藏之，尤耐久，可食至來年春間。

肉 蒲圻肉食以豚爲要品、平時多市諸屠門、歲底則家各宰豚、醃以鹽、薰以松柴、名爲臘肉、最香美、初嘗試者、或以爲有踰火腿、牛羊肉則回民終歲食焉、秋冬之間、漢人亦多食之、

茶 茶爲蒲圻土產出口大宗、亦日用所必需、然蒲俗尋常飲料、皆茗薺之類、其龍團雀舌、至貴重者、惟待客一設而已、

酒 蒲民多嗜汾酒、次則穀燒、麥燒、及高粱燒、又糯米釀酒、壓以燒刀、味極濃厚、愈陳久愈良、東鄉人釀以粳米、味薄不堪飲、

菸 蒲圻絲菸、向推新店萬昌、近則洞鎮益清亦有名、然自紙煙輸入、一般闕少、多以食紙捲煙爲美觀、其爲害亦鴉片之續也、

筵席 古以魚肉聶而切之爲膾、蒲俗則更和以蛋粉、用籠蒸之、膩滑可口、號爲肉糕、無東西南北皆尙之、其盛設如大小酒、而平常者如城市之八蠻、亦必有此一味焉、

(七)居住

野處 蒲民二三月間多結棚野處其在園林者名爲守筍在阡陌者名爲守秧又東鄉山深林密野蔬多爲農殖患山農常結伴看護名爲守野豬然均不及丁巳冬潰兵駐兵沿路寇掠居民竄伏山谷露宿者凡月餘真從來未有之苦境也

茅舍 鄉民無力燒造磚瓦多以土築墻茅蓋屋廖道南柳山湖詩湖上人家住鏡台茅屋參差煙水裏讀此真別有風光

瓦屋 蒲圻城鄉民居多磚墻石墁茅山張美耀至以巨石六方砌成墻基異數也此外臨水起樓多以木板易磚石

洋樓 城內天主福音堂及沿鐵路新造棟宇皆仿洋式建築市鄉居民亦多仿造第得其形似洋製皮毛鞞惟學術哉

茶行 洞市茶庄多高廳大廈如揀廠篩廠至能容千人及數百人不等光線充滿最便作事且煙卣林立恍睹武漢氣象焉

旅館 縣城最盛亦最昂貴各鎮雖有皆不如在城者以司法所在具控候審人數多也將來火車盛鐵路棧房當代興

第二十二章 農業

第一節 水利堤防

植物皆藉水潤而滋長而五穀尤甚。蒲邑境內諸山並多石出泉。泉名詳源遠流長、

溉田無算。泉所不及者、則築塘蓄水以備之、而尊塘、蓮花塘、黃沙塘、季婆塘、又其最著者、灌田常以千計、此外則累石爲堰、醜渠以放灌者有之、置桔槔於河干井畔、用車以汲灌者有之、總之思患預防、各盡其力故旱災常少、而豐登者十之七八焉、

水能澤物、利本無窮、而過則爲災、亦不可不防也。蒲邑西北濱江、錯湖、歲多水患、而沃壤悉變爲澤國、於是築堤之議起、如車埠之鴨兒湖堤、黃土之畢黃兩院、新店之任葛兩院、皆僅關係一方面、宣公堤則關係數團、長堤且關係數縣矣、歲有衝決、糜費尤巨、幾爲蒲圻一大漏卮、此有地方之責者所當留意也、

蒲圻河自崇通而下、春夏之交、積水泛溢、動輒經旬、爲山水害。自漢沔而上、州江漲入、由北而東、爲江水害。乃承天堤防、又以壅水爲害、

第二節 稻

(甲) 種稻之手續

蒲圻多山，而為田長陰寒，又畏旱，久雨輒復過水，故麥少收，宜種三稻，早稻六月熟，遲稻七月熟，晚稻九月熟，皆以石灰糞之，使暖，早稻與遲稻同時播種，惟遲稻備歷炎暑，多養一月，倍結實，故收獨豐，種者十之八焉，然苟六月不雨，收亦歉也。

按遲稻即今南鄉人所謂矮脚早，東鄉人所謂新發，粘其收成雖較常穀為豐，然最易吸收地肥，若連年種之多，不成收，須用周禮一易再易之法。

播種 蒲民播穀在清明節前後，謂云二月清明遲佈，三月清明早種。秧先將種選定，用草包裹，浸

以水，俟苗芽種之田，秧田要肥，不肥則秧黃，瘦最不發旺。秧種要稀，叢毛秧亦不發達。然亦不可過稀，

恐攤起種來總以疏密合度為妙。

分秧 插田之法，一尺三釐，水量深淺務要適中，深則秧脚沃軟，淺則恐晒秧脚。故秧初插畢，農

人每早晚須到田間巡視，俗名看水。無敢稍忽。

耘苗 蒲民耘田，隔日將水矮就，臨時開放，恐肥料溢出。有草之田，先艾後耘，凡田都藥二

次，前次將泥推盪，使根鬆易長，後則將泥附著苗根，以便吸收養分，且耐旱，秧田之

苗，尤須細心耘耨，將稗除盡，免來年混生秧內，耘後多畜水，以防久晴。

收穫 稻係單子葉植物，葉狹長，穗如馬尾，秋後成熟，如晴雨不時，則用木桶與篾

摺，用法詳田器表就穫處打取其穗，隨所得多少，用籬盛貯，負荷以歸，此一法也。若天氣

常晴，則早起刈穫，曝之俟露乾，和藁積收回於禾場側積成大堆，待冬初田功畢，始

築場打稻，此又一法也。

名稱 稻之名不一，就吾蒲所有者言，如桂陽、鄖陽、陵江、西湖，此以地名者也。烏脚、紅壳、洗白、麻赤，以色名者也。金環、鐵脚、蝦鬚、馬鬃、柳條、麻線，以性質名也。然要不外粳糯二種。

(乙) 糞種之材料

秦商鞅欲民務本，先嚴棄灰之令，灰之有益農業，允矣。然有數種，彙誌如左。

石灰 本草云，石灰燥濕殺蟲，消積聚結核，蓋具性辛散，地質粘重者，施以此項肥

料，則漸變為輕鬆，收穫自倍，而低下之田尤宜，以能溫暖土性也。石灰產地詳後陶業門

柴灰土灰 取薪蒸以焚化者為柴灰，攀草萊以燒成者為土灰，初離火時，以糞窖

之，收貯待用，柴灰力較上灰為強。

茶蓼朽止黍稷茂止。讀載芟之詩而知草亦能糞田也。

苕籽 蒲民秋收一畢，即作速治田。菜麥之種植尚緩，而此項獨先，愈早愈妙。田之

肥磽，即於其衰旺卜之。來春取以壅田，宜嫩不宜老。老則不肥。且燒禾根，生發不快，

菜麥胎亦可肥田，然人多不輕用之。

湖草 春來萬物叢生，樹枝木葉，何一非培養之料。然要不若湖草之茁壯而秀嫩

也，採取既易，腐化亦速。信原肥之要素，故西北鄉一帶，多爭湖之訟，非爭水也，魚也，

爭草而已。

稻草 豬窩牛圈，其糜爛不堪者，皆極好肥料。農家每取至田畔，積成大堆，將洩溺

淋透，以便發酵，爛至極熟，然後散布隴畝，最能發苗，真所謂朽腐神奇也。

按周禮，糞種，驛剛用牛，赤驛用羊，墳壤用鹿，渴澤用鹿，鹹瀉用豕，勃壤用

狐，墮用豕，疆，用費，輕，用犬，是相其土之所宜而施以肥料也。自化

學日精，則更隨所植物產而為肥料。預備如稻麥類，必須多用磷、酸、與窒素

（淡氣）的力，弱吸收，加里的力，強則磷、酸、與窒素，兩種必須多用磷、酸、與窒素

利用空氣中，游離室，對於磷、酸、里，吸收力，弱，便，宜，多，用，磷、酸、與，里，兩

而所收較少是安得教育普及使新舊學日漸融化而農殖一途庶日有起色也

註釋 窒素 人糞油粕之類 磷酸 骨粉家禽糞也 加里 草木灰也專專能發育莖葉 專能發育種實 加里能發育根稈

(丙)除蝗之方法

田之害蟲其名不一。如苞蟲、鑽心蟲、浮塵子、皆害苗者也。而要以蝗害為最烈。舊志載清道光乙未旱蝗、咸豐七年大旱、飛蝗蔽天、邑人受此巨創、因設種種逐捕之法、如左、初生蝗之捕法 蝗子初生、色黑蠕動、依草根團聚、大如掌、或如扇、捕之之法編竹枝為巨帚、隨在撲之。或驅鴨食之立盡、其懸岩難捕者、夜以草薪燃火置其旁、皆爭投入、無倖免者、

漸長蝗之捕法 蝗生七日、逐隊求食、自北趨南、且食且行、捕之之法相其地勢、與蝗之多寡、或接溝、圍之、或掘長溝堵之、溝寬一尺深二尺稍遠再掘巨坑皆以人守之 蝗來稍緩則於溝北以巨帚驅之、大至如潮湧頃刻滿急驅入坑取土覆之再掘一坑以俟其來

能飛蝗之捕法 蝗生二十日、翼成能飛、其來蔽天、捕之之法、伺晨露未乾、及日午或停或交、或向晚倦飛時、就撲之甚易、

避忌 蝗性最畏金鼓槍砲，聞其聲則不下，見旗幟亦不敢下，傳染 捕得蝗，刺孔，點以痘漿，放令飛去，痘毒傳染，其種自滅。

掘種 蝗產子以尾鑽地，如蜂窩，久之迹漸泯，當伺其過後，急掘而焚之，蝗卵形如麥冬而小，一枚能成百子。

(丁)老農之占驗

古稱農人量晴課雨，望杏瞻蒲，則草木節氣，其閱歷必深，故語雖不典，而每多應驗，試條舉之，以補農書之缺。

有就草木以占凶豐者 蒲山有木名盧都，因春分始熟，俗亦呼半春子，其實茂則早稻必蕃，又有物形如小鼈，上生一莖，如檣桅然，俗呼秧船，其船滿載，是年必大熟，有就日期以卜豐歉者 正月晦日宜晴明，所謂正月三十日天晴，二月天氣雨不淫也，三月二十四日，俗傳係麥王生日，遇雨則麥必少收，所謂麥吃四季水，祇怕三月二十四日連夜雨也，五月二十五、六，宜大晴，否則大雨，所謂熟不熟，但看五月二十五、六，大晴大穀大雨大粟，又六月朔晴，則收成好，陰則否，所謂六月初一陰，牛草

貴如金。六月初一晴。牛草白如銀也。

有就節候晴雨以占水旱者。立春宜晴、立秋宜雨、清明宜明、穀雨宜雨、出九後不

宜下雪。俗謂一場春雪一場雨。又出九一場雨、一斗大麥一斗米。出九一場雪、一斗

大麥一斗葉。出九一場霜、一斗大麥一斗糠。又南風送九、氣死荷花乾死藕。北風送

九。船兒泊在後門口。

有執支干晴雨以占水旱者。四季不宜甲子雨。春甲子雨牛羊凍死夏甲子雨撐船入市秋甲子雨禾頭

生耳冬甲子雨雪飛千里。四時不宜丙寅晴。春丙陽陽無水上秧夏丙陽陽晒破池塘四序不宜已卯風春已卯

空夏風蚤娘空秋風禾頭空冬風江河空

有執支干以論前節候者。春社戊寅社、無水洗犁耙、秋社戊寅社、晴到臘月三十

夜。有執支干以論月建者。六月逢三寅。新穀貴似陳。六月逢三子。禾從胎下死。

夫舉已經驗之事。昭示來茲。使知先事預防。其用意固甚善也。

（戊）田器之種類

欲善其事、必先利器。工有然、農胡不然。古書如禾譜、茶經、及農桑輯要、言農事甚悉、而

小皆板鋤類也

釋

釋名齊魯謂四齒
把曰釋疑即今之
把疏

把疏四齒以鐵為
之柄長四尺有大
小之不同

大者所以鬆土
使泡小者多為
收糞之用

銚

莊子銚耨於是始
修注削也集韻
也

銚以鐵為之削木
為柄中空作山字
形北人用者則如
鏟

銚所以畫泥為
起土修溝之用

詩序乃錢鏹注錢鏹也田
器又矮注錢即今之鏹所
以起土酌會鏹遷遙切然
則鏹鏹不惟器同而音不
亦同也

鏹

長鈇短鏹其名不
一

鏹以鐵為之形如
新月削小圓木以
為柄

短鏹用以刈禾詩
所謂奄觀鏹刈也
長鈇用以打艸

桔槔

莊子天運篇桔
槔者舍之則仰
引之則俯即今
水車也

以木為之東坡詩
翻翻連連銜尾鴉
羣羣翻翻銜背蛇
可以想其形狀矣

天旱用以吸水
溉田長一二丈
不等

沿河一帶有用管車者取
長三尺竹管廿四個四面
縛定為大圓架安放流水
處因水冲擊自轉較為省
力

連耩

除冬叙錄打稻
器異人謂之連
耩

圓徑二三尺不等
長二尺有奇兩頭
各有耳

方言打穀者關西
謂之楷耩以木為
之或編竹為之

碌碡

即今之石滾也

每秋稼登場用
以碾禾

每石滾一具另有四方木
架兩旁中間各有小圓木
楔一以貫石之兩耳駕牛
碾禾焉

方桶古無有也姑從今名

口面平方而寬廣下微窄上以篾摺圍之中有刷子

秋收遇雨多用此器以納禾東鄉人不惜用此器連年秋兩穀多糜爛焉

蘿筐楊子方言陳魏楚宋之間謂之蘿

以篾爲之上圓下方四面各細椶索維繫焉

容五六斗百穀可盛貯欲運送別處則挽其索負荷以行

畚

庶物異名疏畚兒土器即今之土兜也

以篾爲之狀如覆瓦惟後有埴爲異耳

畚所以盛糞土草菜輸之於田園者也大小不一

(二) 農田之雜糧

吾蒲東南多山西北多水而田僅三分之一故所產米粟不足養給而補其缺者首推諸芋次豆麥蕎及高粱又次之

藟 分廣東安南兩種崇通人或呼爲肥而蒲人則呼爲茗皆藟音之訛也西南鄉人每半年食米半年食藟惟分水坳一帶則幾全年食藟比於珠崖云

芋 有水旱二種荆沙大田等團土厚水深農民多植水芋其餘山田居多常種旱芋旱芋短圓而小水芋長圓而大

豆 種類有黑白黃赤綠色之殊但色雖別而種畧相近。惟蠶豆爲西域種。豌豆爲攀援莖。別爲一類。西南鄉人多種黑豆。北鄉池江地方。則盛產白豆。

麥 蒲圻湖澤多產麥。如馬蹄柳山河底洲一帶。每冬潤積淤。用以種麥。最易蕃殖。

然湖麥產量雖豐。出麵多不如山麥。山麥皮薄湖麥皮厚也。清康熙間南鄉萬壽庄祝姓麥雙歧異數也。

蕎 荊沙荊港橋產最盛。蓋荊桃二泉。源源浸潤。故收穫常豐。

高粱 小柏山。神山等處。多產之。有二種。粘者可作餌煎粥。

第三節 茶業

茶爲出口大宗。蒲邑四鄉皆產之。而種植較盛。獲利頗多者。厥惟南鄉。以其近羊樓峒茶市也。

產地 各鄉之茶。多種於土阜及平原地。而南鄉則崇山峻嶺。無不產之。金紫山松峯山。芙蓉坡一帶。出產尤勝。

栽培 茶之種植期。多在春初。越四載始可採取。但年需芟壅一二次。否則雜草其宅。而茶多不茂。其芟壅之最得力者。惟五六兩月。劉午僑茶山竹枝詞。曾有五月挖

金六月銀之句。

製造者、工業也、而茶之製造、則半屬農商、茲就農所製造者言之、

青茶 穀雨節前、摘取毛尖、製成白毫烏龍、是謂青茶、

紅茶 雨後採取嫩葉、曝以陽光、俟葉邊微帶紅色、或於木盆或木檯上搓揉之、俾成線索、然後散布篾墊上、晒令半乾、收貯深桶、以衣被緊閉之、使色變純黑、而氣味芬新、是名紅茶、

黑茶 紅茶摘後、將隔年老葉、用刀割下、炒半熟而揉之、謂之底子、即綠茶之粗者、其精細者分三種、撒面、二面、元巔也、炒揉一如底子、更有蒸用甌、搨用小、各手續、撒二面並二次、元巔一次、

第四節 麻業

種茶而外、農業之最要者、惟麻、蒲圻全縣皆產麻、以西南鄉爲最良、東鄉次之、北鄉又次之、

形象 麻莖中空、高六七尺、葉有長柄、頂抽傘葉五片、或七片、如掌之張、花小色綠、

無瓣、

栽培 蕪麻者掘地爲坎，取尺許老麻根，橫埋土中，每坎四五株，隨時可蕪，而以春令爲最宜，最畏霜雪，冬季須取土厚壅之，春後苗生數寸，當細蕪一次，刈後仍須再蕪。

收穫時期 麻易生之物也，歲可三刈，四五月刈者曰春麻，六七月刈者曰月麻，八九月間刈者曰寒麻。蒲圻俗諺所謂頭麻見秧，二麻見糠，三麻見霜也。麻當成熟，根部即發生幼麻，先用竹枝擊落麻葉，然後就根際刈析之。

製造手續 既刈析後，運回家中，用水漂一食頃，取出，以刀刮去外皮之粗老者，即成麻縷，取所得麻縷，於密室中烘以炭火，或就日中曝之，務令潔白乾爽，效用 麻可編網、製紙、織夏布，取其纖維，攪絲織中，獲利尤大。

第五節 蠶業

蒲圻城內有千桑園，沙田畝有桑葉會，研究種植 嚴禁侵盜視桑若是其重者，爲育蠶計也。蚕桑之利甚大，故培養之法，不得不詳。

擇地 桑宜於高燥疏鬆之土植於溼地則難成以長蒲圻多高砂地極宜植桑
播種 取壤土鋤碎澆以薄肥然後下子再澆清水用草覆之是謂苗床苗生後將
草除去勤加澆灌遂成桑苗六七月後便可移栽

壓條 桑之由種子發生者葉少而瘠薄栽桑者常取佳種枝條繁殖之攀屈其條
壓入土中使自生根而成新株謂之壓條

插條 桑樹在春夏秋皆可擇插春季尤宜選透光含潤之地耕熟土壤預施肥料
後剪枝長約一尺穿穴插入緊踏其根待發芽後留健芽一餘除去至秋成桑秧
接條 先截去原樹枝莖繼乃削接貼之兩旁微開小罅深七八分以接條納入
中(長約二三寸一端留二三芽一端削成篋針形脚口使含津液然後插入)納入
後用稻緊紮之手段宜敏捷

選種 本年誰收成好即向誰訂取種子

蒲民此法比蠶業學堂用
顯微鏡察選尤為簡要

飼養 婦女晨起梳洗畢然後執業或分盤或掃沙防鼠驅蚊殺菌避風看護極為
認真給與桑葉必適如其量或遇天雨葉帶水濕必一一拭乾然後散給

繅絲 繭成次第摘下，置釜中窺數小時，取出，尋正絲緒，用車抽之。
蒲圻蚕業，西南不如東北，而南鄉復不如西鄉，以茶務有妨蚕事也。

第六節 棉業

蒲民向惟注重桑麻，多不種棉，間有種者，亦惟西鄉白駒一帶，近因布價日昂，生計益艱，始稍稍覺悟，講求種植之法。

擇地 棉性喜暖，植地必擇向陽，且係沙質者，先行淺耕，使土壤疏鬆，再佈種仔，施以薄肥，過厚則枝條雖茂，結實反少而小。

選種 美國長絨種最佳。武昌二郎廟有部立棉業試驗場分給種子急切未能遍及，所用多本省種，先將破損及不成熟者揀去，取圓滿堅實者藏之。

播殖 清明後，穀雨前，用水將種子浸一晝夜，然後用柴灰攪拌，散布地中，入土約深一寸，距離則七八寸及一尺不等。

剪除 棉地宜常除草，根旁土尤宜厚壅，使棉根入土深，自然耐旱，又苗長四五寸時，見正枝旁發出嫩芽，即切去之，以免分奪地力，妨害正枝之發達。冲天幹亦須剪。

去，令四旁生枝，過五六寸時，仍切其頂，否則發身過高，反不結實。收取大桃包，好綿絮，先收置一處，其桃未成熟，及落地粘泥者，另置一器，日微晒，夜微露，花自光華，用機軋去其子。

第七節 林業

蒲圻舊俗惟於祖先邱墓所在地培植林木以壯觀瞻，此外則或爲取材採薪及風水計，間一蓄林，然不知有所謂林業也。近經官廳提倡，頒發樹苗強令栽植，紳民始漸知林業之重要矣。

蒲圻森林昔多爲松林、楓林、栗林、竹林，今則多爲童稚之槐林、榆林，茲分述之。

(一) 松林、楓林、栗林 清光緒初，閩閩富庶，松、楓等林木亦彌望鬱蔥，如洪山之松林。

楓嶺之楓林，來山及五洪舖之栗林，皆極有名。自峒市製茶歲購松柴，而松林爲之

斲毀，自清庚子樹介穉弱，天札戊午風災，古木摧折，而各處森林悉呈凋零之象矣。

加以鐵道枕木就地採辦，奸民窮搜山谷，利誘勢奪，而檀、栗、槐、櫟之合抱者，摩子遺

焉。雖陵廟隙地數百年，禁木亦不少顧惜。讀孟子故國喬木之句，曷勝干邑

(二) 槐林榆林 近日省縣當道對於林業極力提倡城內外設有二苗圃三模範林第一苗圃地址在城內關岳廟左側面積約三畝餘植德種槐苗萬株第二苗圃地址在城內樞星殿左側面積約十三畝餘種油桐湖桑等苗數千株第一模範林地址在城內疊秀山面積約六畝餘現植有洋槐三百五十株第二模範林地址在城西馬鞍山面積二十五畝植有洋槐黃金樹油桐榆梓桑椿等樹約三千株第三模範林地址在城外西洲面積七十二畝植有洋槐五千餘株此外復以官廳所頒及二圃所培之苗散給四鄉勸令栽植十年樹木當有發達之望也

(三) 竹林 蒲圻北鄉向有竹山洞以產竹得名今則後來居上南鄉大小港及柘坪出產頗旺東鄉之荆沙石坑大貴等團種竹千畝者則所在皆是桃花坪盧東流港鄒其最著者也

第八節 漁業

蒲圻西北多湖澤魚鼈之生頗為蕃滋故以漁為業者實不乏人、

一 蒲河漁業 雷李鮑三姓世掌之河有二十三潭、方石潭、芭蕉潭、落石潭、木蘭潭、龍迴潭、倒流潭、焦潭

王師潭石孔潭石牛潭鏡潭鷓鴣潭此屬上游者龍翔潭峨潭黃潭多魚
龍潭風潭鼓潭潭灣皂潭龍坑潭黃土潭接里潭此屬下游者
舊志載石魚潭中有巨石大魚常潛伏其下。皂潭爲水族窟宅。漁舟畢集。近訪之漁
者。則云石魚潭雖間有大魚。而蕃殖不及落石潭。洋港皂潭魚多石突不便布網。而
漁業究推荷塘灘。

二 滄湖漁業 湖共四十一里朱姓十之一。餘悉歸宋。每冬令水涸。卽入湖取魚。
花樓嘴、老鴉嘴、象鼻嘴、魚最多。每一發網。可得魚數十船。向惟銷至崇通各處。漸乃
運銷武漢。歲人以萬計。邇來似不如前。因滄湖出口卽黃蓋湖。土人近於湖口置筓。
故魚多歸筓。而入湖者寥寥矣。

三 神山湖漁業 卽董塘池。產魚最富。蒲邑松柏、左荆、大野諸湖水。產雖豐。鯉魚
卻不多得。而此獨饒。鯿、鰱有重八九斤。至十餘斤者。眞罕見也。尤雷鄭三大姓。傍湖
而居。多事漁業。神山市有漁行十餘家。每家賣魚錢日以百千計。警察附捐千錢一
文。年可得錢四百串。則買價爲四十萬。噫。盛矣。

四 池塘漁業 東南鄉距湖澤甚遠。多就池塘畜魚。備賓祭年關之需。但池近家

宅者、汗液雜下、魚味多帶泥氣、故養魚者必擇去村落稍遠、源流尙清之池、其池作斜坡形、由淺而深、深則魚有所藏、淺則水草叢生、魚有所養、魚苗亦須選擇、按湖鄉人區魚、爲三等、鯉、鰕、鯽、爲上魚、鱖、鯪、爲中魚、鱖、鮎、之屬爲下魚、下魚不甚愛惜、故到處買放、中魚易長、鬻魚苗者已稍靳之、鯉魚則長極速、又多產卵、鬻者尤靳之、今縱不能多得上魚、亦須取法夫中、若貪便宜而取下流、則誤矣、

蒲圻漁器 分罾網二種、網則有攔網、撒網、絲網之分、罾則有廠罾、趕罾、扳罾之異、其餘湖澤雜器、則有起筴、安卡、割鉤、下罩、敲白、種種名目、總之魚以神山湖爲最蕃、漁器亦最備、

捕魚新法 用螺殼浸菜油內、隨時散布水面、魚類一見油光、卽聚而爭食、以網捕之、所得必多、視用電燈者頗爲省費、

製魚秘傳 蒲圻鮮魚最有名、相傳製者縣城僅一家、

第二十三章 工業

第一節 火紙之製造

鄉東產竹業紙者所在多有，要以荆沙爲最。荆沙則以荆泉爲稱，首有紙廠三十餘處，入以百萬計，不可謂非工業特出也。

原料 分老竹麻、新竹麻、新竹劈成篾片，約五十斤爲一捆，置灰墻中醃之，百日後節解如線麻，故名竹麻。老竹則需半載。

熟料 將麻置水碾，或水碓中，搗成粉碎，名曰熟料，每百斤可出紙八十斤。

製造 水碓一座，須設檐屋數棟，每棟以木板置甲乙丙三槽。

甲 置熟料百斤於槽，浸以水，融以足，使料與水融。

乙 取融料轉入此槽，攪以清水，料即溶解水中，槽底鑿小孔，凡料中不潔之物，皆由孔隨水排出，留者即爲潔料。

丙 潔料至此，須視其多少，酌施藥水。係山花葉楊桃根所煮粘液以竹簾攪之，俟料與水

化合，再以篾絲簾撈取，日可得紙二千簾。

成紙 紙塊在案，用機壓去其水，一一揭開，曝乾，施以裝磨。

按火紙除用爲紙煤外，僅供冥楮之需，近日火柴盛行，而迷信之心亦減，火紙之銷路

日滯，一般業紙者，皆急思改良矣。

第二節 草紙之製造

草紙分生熟二種，生紙用造鞭炮，不用火蒸，但多醃石灰，黴爛久則炸裂自易。熟紙較韌緻，故用以包貨物，蒲圻惟車埠貨物以荷葉裹之，其餘多需草紙，物雖微而用則廣，故特詳之。

灰醃 稻草千斤，紮成細把，用柴灰百五十斤，分下水池四角，四工人各執木杵，搗灰成漿，即取稻把堆積水深處，循環蹂踏，使層層落實，壓以石板，浸通宵。

火蒸 取灰醃稻草，置極大木甑中，火蒸一晝夜，隨蒸隨加，草盡氣勻，封甑止火，若造生紙，則無需此。

石碾 草料熟極，取置石碾中，分數次碾之，俾成粉末。

洗料 取碾過細料，傾入小坎，以足環揉，務令纖維溶解，隨用布袋盛貯，置水池中洗之，以灰漿淨盡爲度。

製造 灰漿洗盡，方入槽和藥，與造火紙同。紙之厚薄，則視料之粗細，日可得紙一

案、

打磨 紙滿案時、以機壓之、水氣乾後、將紙逐層揭起、曝日中燥、即收回、摺疊成堆、夾以木板、鋸之、磨之、而紙成矣、

第三節 竹器之編製

竹可造紙、既如前述、然竹之種類不一、故工之製造亦因之有異、茲擇其最著者言之、
提籃 荆沙下團人、每農隙、輒手一刃、取大如箸之細竹、劈作篾絲、製爲長圓之提籃、其式大小不一、運銷江北、歲以十萬計、

笠 取苦竹葉勻鋪、用細薄篾片夾之、圓如蓋、晴雨皆可用、

籬 與上籬笠、並出荆沙斜埔、石葉塘等處、形式詳前田器門、

煙筒 蒲民喜吸水煙、其烟具多以竹爲之、水竹爲管、南竹之圓厚者爲筒、吸之味清而甘、視銅水煙袋爲勝、此等工藝、車埠鎮最有名、運銷甚遠、湘贛等省、亦多販買者、

茶箱 羊樓峒羊樓司之磚茶、皆以箱盛之、除洋商運漢製造外、山西商則完全在

木鎖包裝，歲需茶箱甚巨，其收篋自製者固多，來自柘坪及大小港者，亦復不少，篋盤紅茶行起樣發揀，需用甚夥，製造皆本洞篋行及峽山人，篩紅茶莊用最廣，有一二三四篩及粗雨、中雨、小雨、芽雨、復芽雨、鐵沙、生末、塵末等名目，製造者亦以峽山人爲多。

第四節 金器之鑄造

冶鑄之利，蒲圻尙未發達，其見諸事實者，惟鐵與鉛。

犁鐵 白石團吳姓，家世以鑄犁爲業，今尙爐有三座，每座用工人六，開火多在夜晚，夜可成犁二百枚，枚值錢二百文，分春秋兩季鑄造，現在炭僅半價，業此者並富有矣，上寺團蛟龍橋李漆一姓，各有數爐鼓鑄，漆姓業務尤盛。

鐵鉗 正字通，器兩頭交合，或轉角處，用鐵片錮之，皆曰鉗，南鄉瓦泥塘、楊柳畝一帶人多以此爲業，行銷遍及湘贛。

薙刀 自滿清嚴禁蓄髮，剃刀始盛行於中國，今雖改用剪，而鄉曲整容者，仍多用剃刀，城內某鐵工製此頗有名。

鐵製雜器 分行爐與坐爐，上寺人最多，螺絲販一處，有爐三十餘部，近日以洋鐵製器者，尤風行，城鎮皆有之。

鉛罐 紅茶箱內層，以薄鉛皮裹之，名曰鉛罐，罐重四斤，丙辰鉛價大漲，減爲三斤七兩，洞市彭松柏、鄧永發，實專其業。

金絲鏡 近日眼鏡，時髦喜用金邊，其餘多用銅絲，鏡匣亦以薄鐵片爲之，北鄉洪山案人，以此生活者頗多。

第五節 木藝之擅長

蒲民多習攻木，游藝四方，其最著者如主修黃鶴樓之但德敬，精思詣微，比於翰墨，近日本工，雖智巧不如德敬，業此者亦不少。

嫁奩 蒲民挾藝游荆沙及十迴橋者，以洪山峽山來山白石港口五團人居多數，其人大都工製嫁奩，或傭工作坊，或自立牌號，致產數千金者，指不勝屈。

船舶 虎廠張家河、蒲民木藝於此者，多以造舟爲業。

紅茶箱板 以楓木分板爲之，工廠則鄢發章、萬春利爲最著。

磚茶機器 其柱架及下壓機、皆以極大栗木爲之、模器多用楓木、如匣斗類 每副

四百、件料費約需千五六百金、

椅榻 西南鄉木工、外藝者多、製器尙精美、如虎爪炕、羅漢椅、均嵌空玲瓏、外觀美而需價亦、巨中產之家、多不能置、備惟北鄉方喬人所製一字、几極樸素、亦極堅牢、鄉戶多購用之、

斷鞍 西市買鞍韉、是製鞍者古有專家、北鄉人向多業此、自鐵路通、騎乘者少、業此者亦急思變計矣、

第六節 陶業之發達

蒲邑六水三山、田少民稠、窮檐生計、強半託於工藝、而陶業、亦其一種也、彙紀如左、
灰窰

赤馬港 山石與他處不同、能久經霜凌、故取石者多於此、燒灰者亦多在此、港水春漲時、可通小船、運輸尤便利、

茗坤山 有灰窰十數座、業此者係游周熊三姓人、所燒之灰、鄉民多取以糞田、

惟山徑崎嶇、搬運者頗感困難、

北門岔 灰窰最盛、多運銷武漢、爲建築之用、省城外曾設灰行、學捐歲亦數百緡、惜禹觀山隄成、致滯銷路耳、

磚窰 其陶於本地者、以沿河一路爲多、其陶於他縣者、以沿江之窰頭溝爲盛、有二百餘座水路至便、行銷自易、陶工多東北鄉人、

炭窰 東南高山、產杉及竹、更產櫟栗各雜木、其壅腫拳曲者、土人多以燒炭、東鄉則由金獅觀河、運銷縣城、及武漢、南鄉則以洞市爲銷場、或由趙李橋鐵路輸送武漢、獲利亦大、但燒時放出白煙、含種種有用質料、不知收取、爲可惜耳、

第二十四章 商業

第一節 市鎮之盛衰

蒲圻鄉市、向分六鎮、石坑、汀泗、新店、車埠、泉口、黃龍是也、而羊樓峒無與焉、今則峒市商業、駸駸焉駕各鎮上、試分別紀之、

羊樓峒 附近多產名茶、故茶市以此爲集中、其利賴吾蒲者、卽以學捐論、旺歲歲

入常萬餘金、近則受俄亂影響、茶市不振、想秩序漸復、常有復興之望也。

車埠 河運既便、物產亦富、如苧麻、棉花、布疋、魚麥、此爲銷場、近年來麻市暢旺、商務亦漸見發達矣。

新店 向本以便水運、爲茶箱運漢所必由、故舟車雲集、而油鹽絲布之自外輸入者、運費輕於峒市、售價較廉、商務之盛、有自來矣、自鐵路興、百貨用火車轉運、影響於新店者、實非淺鮮。

汀泗 其便河運與新店同、近更輔以鐵路、商務必大有進步。

石鏗 金獅觀 石鎮雖無甚特色、猶不失爲守舊、其沿河而下之金獅觀、紙篾石炭之運銷、尤覺後來居上。

黃龍 上近邑城、下迫車埠、而地方復無特產、足以招徠商販、故不能多所發展、而北鄉商場不得不首推神山。

泉口 泉鎮之名、漸歸銷滅、則又等於自會以下矣。

第二節 錢幣之沿革

蒲邑向用緡錢、通例每串千文、俗稱十足錢。惟質庫糧櫃用之、其餘市鄉來往、有所謂九八錢者、有底錢二百用九六、餘皆九九者、數目之差異如此、而幣制之沿革、更分志如左、

制錢 通體制錢、每貫重六七斤、而銅價漲時、每斤能售錢四百文、故銷燬者多、而

制錢日益少、私錢日益充斥、

小錢 有灰板沙壳等名目、統謂之小錢、昔用制錢時、每百錢中摻用小錢若干、或二八、或三七、或四六、或對開、用者苦之、

銅元起點 南皮督湖湘、深知錢法之弊、乃創鑄當十銅元以濟其變、每串祇錢百枚、銷毀者既無利、而私錢亦不便行使、各省及戶部多依樣鑄造、銅元之用幾遍天下、而貨輕物重之弊生、蒲民遂同受其影響焉。

銅元末流 蒲圻向例穀一石、約值千錢、近則平均需錢三千四五百文、肉一斤向僅值錢八九十文、今則常需三百五六十文、他如油鹽呢布無不三倍其值、小民生計日艱矣、語云、一法立、百弊生、洵然、

第三節 紙幣之興廢

蒲圻紙幣向分花票紅票，惟錢庄及商號行之，花票以一串爲率，不限月日，紅票則有一定月日，而數目無定，有多至百千緡者，市面流通，惟此兩種，無所謂官鈔也。

官票 張文襄督鄂，設立官錢局，而官票因以發生，亦以一貫爲率，而五貫十貫間有之，准納錢漕關釐，與銅元相輔而行，信用頗著。

紙洋 文襄又以銀幣缺乏，兼用紙洋，自一元二元至五元不等，辛亥改革軍需浩繁，餉薪概發紙洋，而無地兌現，價格遂漸低落，視現洋僅三之二，商民苦之，悉用以納稅，而官亦苦之。於是蒲圻議會，有紙洋三成官票銅元七成之議焉。

小票 始文襄之鑄銅元，原以濟制錢之窮，至是而銅元之難得，一如制錢，蒲圻各商，乃行用小票，以一伯二伯文爲限，用資救濟，未幾而三家村店，亦相率效尤，濫惡特甚，其後官廳出示嚴禁，而此風始息。

按財廳之禁小票是也，乃並商富之串票而亦禁之，雖曰防弊，不無壟斷之私焉，自是而後，吾蒲各鎮，所行使者，盡官鈔矣。

第四節 銀幣之行情

我國元明之世始用銀，至滿清而用益廣，有元寶中錠、小鏢、馬蹄、龍洋等名稱，然名號雖歧，而某地某業，守向來之習慣，多以一種成色爲標準。茲就蒲圻所通用者言之。

茶商所用 峒市晉粵諸商，收買綠茶，皆用元銀，有不及一錠者，以票存記之，俟滿五十兩成數，然後付銀。

麻商所用 本地商人，以苧麻售洋商者，銀數或至巨萬，皆以兩計算，而不以圓計，故所用亦多屬元寶。其馬蹄龍洋等銀，只作補不足之用。

市平之差異 銀之重量，非平莫定，平之大小，地各不同，卽以蒲圻論，邑城則九八二、車埠則九八五、羊樓司新店汀泗則皆九九二，惟洞市九九。此外尙有庫平、關平、漕平、估平、洋例、種種名色，而補水申水，日以多事，亦不便之甚矣。

行平之尅扣 老茶元銀平，向例每兩八錢三，除一分五釐色，爲八錢一分五釐用九四扣，實

銀七錢六分六厘一毫，近各商遞減元紋，由七六六一，減至七六四三二一不等，甚有減至七六，並七六不足者，業戶固受實虧，各商亦大損名譽。乙卯歲臨崇等四縣園戶

曾登報具控呈請省
議會發其種種奸弊

第五節 權度之歧異

(甲) 權衡

戥也稱也、天平也、統名爲衡、平之差異、既如上述而戥之爲用較狹、惟藥局平量藥物、煙窟稱量煙膏、常用之、現在煙禁森嚴、此類之用益少、固無可評論之價值也。而最足注意者莫如稱、

雜貨稱 舊例以十六兩爲斤、官鹽火油、其代表也、然雜貨之發行、或裹以紙張荷葉、有連皮計斤者、亦有除皮計斤者。有年關商務填委、而秤必認真者、有四五六七等月生意冷淡、而秤反隨便者、商情變幻、真不可思議哉。

魚行稱 行戶爲招徠主顧計、或以二十兩及二十四兩爲斤、門市鮮販、遠道跋涉、須少佔便宜、往往以大秤進、小秤出、

屠行稱 屠人貨肉、名爲十六兩、然持現與賒貸者、微有不同、

紅綠茶稱 峒市紅茶用夾稱、以三十二兩爲斤、綠茶則自七斤至八九十不等、

撒面七斤二面元 然此特開秤時價碼方昂故如斯辦理迨價漸跌落秤隨

八九斤底子十斤 增大則一任持衡者之上下其手而已

絲麻稱 通以十六兩爲斤麻市擁擠時間有用十八兩者雖價之低昂無定而秤之大小似較

茶爲有憑也

(乙) 度量

計長短者謂之度、度以尺爲單位、以丈寸分厘爲補助吾蒲之尺則有所謂廣尺、裁尺、下機尺、

算盤尺、種種不同、分述如左、

廣尺 卽海關尺、通商所用者、蒲圻各布號、一律用之、

裁尺 裁縫所用之尺、比廣尺長五分、

下機尺 蒲圻織工下機量布所用、比廣尺長一寸、

算盤尺 與廣尺相近、蒲民尺碼之爭執、多取決焉。又木工所用則有五尺、篋工所

用僅四尺、地方習慣、不必盡守營造規定。

計多寡者謂之量、量以升爲單位、而以斗石合勺爲補助、吾蒲則似以斛爲單位、以石

斗升合爲補助，故有行斛官斛之分。

官斛 前清完米時所用，自咸豐七年，巡撫胡廷翼奏改折銀，而花戶不復完米，固無所謂官斛也。

行斛 牙行買賣糧食所用，與官斛不相上下，雖市井奸商，間有以意爲輕重，而警署時與察驗，亦有所憚而不敢行。

蒲圻鄉間風氣各別，甲地與乙地，斛斗雖不無差異，然亦升與合之間耳，以視崇通之十斗一石，八斗亦一石者，則固大不同矣。

第六節 典商之興廢

清咸豐以前，蒲圻原有向賀章、李陳五典，自廣西兵起，城鄉迭被焚掠，五典同時歇業，同治以還，粵捻悉平，各典遂次第興復。

典商最盛時代 光緒初，新店有春茂、恆升兩典，車埠有恆昌典，典息三分，利頗厚。

春茂旋設分典於縣城，峒鎮遠大，後改大同福亦相繼設立，同福旋停，而城內富商復

組設同豐，合神山保和、汀泗同福，共八典，是爲最繁時代。

典商衰落時代 宣統己酉，省議員黃文潤提議請減典息，贊成者多數，議決實行。典商則以自海防籤捐紛紛攤派，負擔頗重，今又減三爲二，利息益微，加以辛亥首義擾亂數月，各典多受影響，而學捐之爭執，復構訟連年，八典遂先後停歇。

公益典之始末 自各典歇業，所存公款，陸續呈繳公署，知事姚汝嬰倡設銀行，衆多反對，其時葉紳寶森長勸學，邀集邑紳，議設公益典，衆贊成，皖人張玉田以二千金作保證爲內經理，邑人汪叙爲外經理，行之數年，頗無弊，旋因丁巳冬，第七師入城焚劫，玉田捲逃，匪人乘亂攘竊，數萬公款，遂化烏有。

第七節 牙行之設置

以行爲業者謂之牙人，牙人必領牙帖，領帖營業，須指定地段貨物，蒲圻物產殷富，商販雲集，需用經紀人頗多，而牙行以興。

麻行 蒲圻六鎮多有之，以西鄉爲最盛。

花行 江北一帶棉花，以車埠爲銷場，花行多萃於此。

茶行 車行 船行 羊樓洞、羊樓司，並有茶行，茶箱陸運用車，故峒有車行、水運。

始張家嘴、至新店過載、故該二處有船行、

紙行 荆泉金獅觀皆有之、東鄉火紙、並以此爲總滙、

米行 通城米銷峒市、湖南米銷新店、米行之盛、惟此兩處、

魚行 神山、洪山、車埠、新店、附近多湖澤、皆有魚行、

山貨水菓行 猪行 牛馬行 各鄉市多有之、

牙行之利弊 牙行利在分取用錢、盡人所知、其朋充頂替、則行商通弊、而弊之甚者、莫如茶業、晉粵諸商、每歲入山辦茶、雖各有行戶、然皆自行品論價格、經理收支、從無經紀人之設置、而行戶徒擁虛名、自彼此名、而茶商之大秤短平、及苛待男女勞動者、與一切悖於良善風俗之行爲、皆藉茶牙行名義以行之矣。

第八節 茶麻之採辦

甲 峒商之紅茶

洞市紅茶、穀雨節前、始開秤收買、新買之茶、名爲毛茶、用炭火焙過、然後開篩、篩分十路、四廠、手續最複雜、茲就其大畧言之、

毛茶廠 頓毛茶用粗雨篩、篩而謂之頂頭、篩底分上中下三種、

上身一二茶用三四篩取扇車發揀歸青茶廠做篩扇抄復火上堆

中身三四茶用粗雨中雨取發抄歸青茶廠復火上堆

下身則小雨牙雨鐵沙生末篩面之茶也統歸青茶廠車扇上堆

青茶廠 以上三茶均歸本廠、其手續尙簡、最繁者惟元身茶、

元身一二茶用牙雨篩頓頓頭用小雨篩抓入撈篩碼用二三篩取頂頭頂頭均用足蹂

四篩茶仍用牙雨頓用粗雨中雨取一二茶扇抄復火上堆

其小雨牙雨鐵沙生末篩面之茶但復車上堆不復火

抓尾廠 毛茶頂頭置深筐、用足蹂過、卽毛茶抓尾。用中雨篩抓。

抓尾茶用中雨取一頭扇抄上堆其小雨牙雨鐵沙生末篩面之茶均復火上堆

珠子茶即中雨篩面者揀淨過推再用中雨小雨粗雨分篩即珠子一二三四茶扇抄上堆

花香廠 青茶車出子口、亦分上身上下、

上身茶用篩九把照原路做去惟一二三茶扇抄復火上堆餘均車扇上堆

下身搭篩篩面之茶用布袋搭搭出用小雨分篩篩底簸淨上堆其黃片則再篩再搭

穀雨茶 一二茶揀出頂頭、復火、用足蹂碎、車扇發揀、上堆、

茶至此製造畢矣、則有和堆、裝箱、完厘、車運、舟運、至漢售賣等事、但近年漢市紅茶、幾

一蹶不振。惟在我商界思所以挽回之。

乙 峒商之磚茶

洞市茶磚、爲吾蒲商業特色、其製造之方法、運銷之場所、產額之多寡、稅則之重輕、本息之厚薄、內容極爲繁複、鮮有能道其詳者、茲藉報載有雷大同君磚茶表、最明備、附錄於此、

資本

地點

名稱

手續

器具

說明

俄商銀六百

正貨出羊樓洞次

三六磚

一購集茶葉

秤 筐 盤

製粉紅茶磚宜用

萬兩以上

貨出羊樓司柏墩

四五

二發酵 三篩

模器

汽機施頑強壓力

英商銀四百

下貨出聶市即在

二七

四揀 五裁斷

爐三 蒸汽

若磚茶則考察銷

萬兩以上

以上四地製造洋

三九

六風扇 七秤

鍋六水箱五

場習慣不合用最

華商銀三百

商製磚地在漢口

二四

八蒸 九裝入

木質下壓器

強壓力使茶葉粘

萬兩以上

附說本國惟上開

六四

模器施壓力以

或蒸汽下壓

結不開故仍以木

四地出產茶磚磚

固其體質一時

機

機制作爲適當且

面皆印有洞庄二

半十及

木機全副約值銀

字故蒙俄人只知

十一包裹及裝

六千兩較汽機爲

有羊樓洞不知其

箱

易辦

他之三市也

重量

產稅額

運道

銷場

利息

說明

三六磚 每箱重九十二斤四兩片重二斤九兩	茶磚歲約三十五萬箱以	自關八里至粵漢鐵路之趙李橋站	張家口	至低約四分	洋商資本係查照
四五 每箱重百一十五斤五兩片重三斤九兩	製造者歲約一萬三千噸	運武昌渡江由京漢京張京綏鐵道	齊齊哈爾	至高約一倍	歐戰前海關冊約計華商資本自五六萬至二三十萬
二七 每箱重九十四斤半片重三斤半	聯運可直達豐鎮	摩托車或軌運自豐鎮至庫倫由庫	錦州	附說	茶磚在庫倫市面可常錢幣交易貨物如在口外換馬匹及皮毛其利尤厚
三九 每箱重百三十六斤半片重三斤半	庫平銀一錢五分產稅八分四厘附加	運銷俄屬西伯利亞一帶電報郵政	歸化	茶磚在庫倫市面可常錢幣交易貨物如在口外換馬匹及皮毛其利尤厚	茶業公司另辦茶業銀行茶利或不
二四 每箱重百三十二斤片重五斤半	分四厘附加	亞一帶電報郵政	綏遠	茶磚在庫倫市面可常錢幣交易貨物如在口外換馬匹及皮毛其利尤厚	至盡為外人所奪
六四 每箱重六十四斤片重一斤	二成	皆通	豐鎮	茶磚在庫倫市面可常錢幣交易貨物如在口外換馬匹及皮毛其利尤厚	

按此表窮源竟委，洞見癥結，使吾蒲人士，皆如此留心商務，則逐漸推廣，當不至使日英後起之茶業，長奪我歐美之市場也。

丙 茶商之統計

羊樓洞為我國著名茶市之一，茶葉產附近臨崇等縣，而以洞產為最優，試稽其全盛

時代之產額及納稅用人之數目，備著如左。

青茶 每歲產額爲十九萬餘斤，近年更有不同。

紅茶 歲約五百二十餘萬斤，自丙辰大折本後，數銳減。

粉紅茶 每歲約一百一十餘萬斤。

磚茶 西商購製，爲一千七百餘萬斤。

黑茶生貨 洋商運漢者，爲二千六百餘萬斤。

釐稅 銀九十八萬餘兩，學捐 錢一萬餘串，近減至三千串

人數 絕對的、相對的、與附屬的商行爲及勞動者，凡五十一萬餘人，據日本正川正一調

查表

洞市茶業，近言之爲鄉民生活之資藉，遠言之爲對外貿易之要品。其關係不可謂不重大。乃自歐戰發生，運道阻塞，銷數漸少，然紅茶一項，自西伯利亞輸入俄國，尙二千八百萬磅，茶磚之輸俄本部者，爲數亦巨，近俄內亂，而七年分輸入俄國之華茶，頓減至三百萬磅，全國如此，而洞鎮茶業之衰落，又何足異焉。

丁 麻商之統計

蒲圻麻商，分間接直接兩種，每歲麻捆所售之值，與所完稅捐，爲數頗巨，並志如左。

間接買賣 廣商來蒲採辦者，擇殷實可靠之牙行，令其代爲購買，買畢，按照定規，酬以用錢若干，所謂間接買賣也。

直接買賣 本地商富，隔年將錢發放各園戶，令至期以麻抵償，此卽二月賣新絲，五月糶新穀之類也。所買之麻，視尋常價尤廉，有不足者，或榜門收買，或雇人下鄉採買，俟集成百千捆數，連漢銷售，所謂行棧而兼直接買賣也。

重量 向例麻以十六兩爲斤，六十斤爲捆，百二十斤爲一石。

稅捐 每捆完關厘三百餘文，完附加捐百四十文。

總額 去歲三麻，亦每石十七兩，據收捐人馬雲卿包定六萬三千一百捆計算，爲買價銀五十三萬六千三百五十兩，厘金一萬八千九百數十串，附捐八千八百三十四串文。

按此據麻價最旺時期言之，以後雖有出入，當不甚相遠，聞今歲附捐，亦包定八千串。

可以見矣、紅黑茶外、此項商業、實推獨步、

第二十五章 交通

第一節 輪船

蒲圻河道雖遠、然水淺地狹、惟民船之小者、可以運載貨物、往來武漢荆沙各處、而輪船不能行駛也、其通輪者惟新店汀泗神山三道、志如左、

新店河 十里馬蹄湖、十五里黃蓋湖、三十里島口出江、水道較深、本地編子、多爲運載麻捆之用、其輸送茶箱者、類皆外來之小駁鴉艚、及滿江紅等船、然載重行緩、且時虞不測、洋商如阜昌、新泰、順豐各家、皆製有飛鴻飛電等小輪、以爲拖運之用、本地紳商則自組普濟公司、置備小輪二艘、裝載客商、往來武漢、近則停廢矣、

汀泗河 五里太平港、十里烏石嘴、三十里進寶嘴、一百五里出金口入江、水道頗深、向有公利翔鷗等輪船、往來運送行客、自鐵路成、生意雖減、而此輪仍未停、

神山湖 十五里西良湖、十五里進寶嘴、出江路與汀泗同、水道深闊、邑人王均平

曾製有神電小舟輪，往來武漢，裝載客商，行旅便之。

第二節 鐵路

自廣東番禺起，經湖南達湖北之武昌，爲粵漢鐵路，長二千三百七十九里，現在武長路線已經通車，其在蒲境者，凡百四十里，有車棧六，如左。

汀泗橋 爲蒲圻北路入界首棧，有長石路出石鏗，至洪下，通崇陽，崇通等縣搭車者，多由此上下。

官塘驛 自汀泗橋至此二十里。

中火舖 自官塘驛至此二十里。

蒲圻縣 自中火舖至此二十五里，有路四達，南自雙路口出大石橋，通荆沙大田，西自白墅橋出茅山，通車埠斗門等團，又西由馬鞍山出望山，通黃龍白駒等團，蒲人於此搭車甚衆。

茶菴嶺 自縣城至此三十里，有路出花亭橋，通新店，該鎮搭客，多于此上下，現在地方人正議修築馬路，以便行旅。

趙李橋 自茶菴嶺至此三十里、距羊樓洞僅八里、現修有支路、貨物多由此起卸轉運、搭客亦夥、

羊樓司 自趙李橋至此十五里、由此入湖南界、爲南路尾棧、

第三節 郵電

近來交通發達、郵電實爲要政、况吾蒲地處湘鄂之交、兵事商務、日以繁興、郵電視他縣爲重、故並志之、

電政

縣城 電報局原設於縣署之西、偏近則改設南門正街、

洞鎮 電報局設於北山麓饒姓私宅、

湘鄂幹線 自武昌至蒲圻分二支、一至嘉魚、一至羊樓洞、直達長岳之綫由港口團之陳家舖分支、

鐵路分線 局所附設沿路車棧、

郵政

蒲圻縣 地處衝繁，故設二等郵局。

羊樓洞 商務最盛，郵件比於大縣亦設二等郵局。

民國七年，郵部爲交通便利起見，各鄉市俱設有郵務代辦所。

蒲圻共十一處 洪下 石坑 汀泗橋 中火鋪 茶菴嶺 趙李橋 羊樓司

宋家河 新店 車埠 神山

按郵政開始，由稅務司兼管，至今全國郵權，尙寄客卿之手，內地亦所徧及，我國人士但任中級之郵員，下級之郵差，如代辦所是矣。

第二十六章 自治

民國紀元，蒲圻設自治會，在疊秀山東，清學宮舊址也。明倫堂地勢軒闊，改作議場，適合。東齋房間多，議事會居之。西齋屋宇少，而局面整齊，參事會居之。參事常川駐所，議事則分常會，年限一月，事煩，得展限十日，臨時會無定期，其組織如左。

議事會之組織 正副 議長各一名，月支公費各十六串

議 員共二十名，月支公費各十串

參事會之組織

參事四人月支公費各十六串

財政委員四人由參事選派二人由知事委派二人公費同參事

經費

月需錢四百餘串

此就常年開會言統議參在內

年需錢二千八百串

以麻契兩捐爲的款

薪俸本極微薄。同人或請增加。衍綿力持不可。恐增人民負擔。貽清議之責難也。其時風氣初開。尙無金錢運動。勢力指派惡習。

成績

一 裁革差役

二 力拒券捐

三 嚴禁浮收 設錢漕監算處北鄉某完糧。櫃胥浮收二百文。其人報告自治會由

會具函質問。姚知事隨如數補還。並革該胥。

四 清釐浮濫 法廳書記與推檢相惡。將賬呈自治核算。浮濫近千串。自治代爲呈

報審計處。處長朱樹烈卽調賬核辦。

五 保存公產 延壽寺公基。爲私人對換。自治會以公函爭回。

城鄉自治會 詳前區劃

自有議會、官廳爲所監督、尙無越軌行爲、惜不久廢、而官權遂重、廢工廠、復差役、加券捐、迹其所爲、無一非病民者、而士紳概不過問、以無言責也、吁、自治不復、則民權不伸、閭閻安得不困、

第二十七章 社會事業

地方公益、爲一二人所不能舉、則集羣策羣力以成之、是爲社會事業、蒲圻自明清以來、此等義舉、已極發達、今尙有聞風興起、廢續行之者、彙紀如左、

育嬰堂 在豐樂門內、收養遺棄嬰孩、可救貧民溺女之弊、洞市廟廠亦設有堂、因一文茶捐無著暫停、

普濟堂 在治南雙路口、舊義倉地、賑恤孤貧無依者、

崇善堂 積善堂 遷善堂 樂善堂 皆在城內、大都以施醫藥、置義棺、消防火

患、印送善書爲主義、

浮橋 在北門河、設有公渡、以便行旅、舊有存款、預備補修、

官山 施義十、掩露齋、凡十一處、以南門外地最大、塚最多、

常平倉 母倉在城內倉嶺、四鄉各有子倉、係廖令鴻賓所創辦、以救濟青黃不接、初年存穀將萬石、今並侵蝕殆盡。

茲善會 就北門武廟舊址創立醫院、置備水龍、係潘旅長芸青前駐防蒲圻時所倡辦、捐款以陳紳錦齋爲最、現移延壽寺、惜以費絀遽爾中止。

蕪報 詳後社會教育 公益典 見前典商興廢

市鄉慈善事業如 新店難民會 桐鎮回春公所 楓樹嶺義棺會 之類、煩瑣不備載、按社會公益、本

人人所樂贊成、然既成之後、往往有名無實、有初鮮終、黃金虛牝、豈不可惜、所願司其事者、毅力貞心、維持一切、俾如浮橋、普濟蒼生、不似積穀、漸歸烏有、則得矣。

第二十八章 行政官制

清時縣行政制庶政總攬於知縣、縣之下有丞、尉、巡檢、教官、及城守營等、民國初年廢丞、置書記官、司法獨立、知事僅管行政、未幾、書記官廢、法廳亦裁、民刑統歸知事、洞鎮向設巡檢、今改爲縣佐、尉及城守則改爲警察、教官改視學、此其大較也。

縣公署職員

知事總攬民政兼攝司法

蒲圻屬中縣知事月俸二百六十元

椽屬分三科內務、財政、教育和實業另設技士一人月支共計八百元

收發處縣署庶政此爲咽喉有承上啟下之權一名承啟官

財政委員湖北單行法爲全縣財政監督以候補知事爲之月薪百元每收欸盈千卽日報解蒲圻前後任委員者以俞耀坤爲最久其苛罰小票勒索糧櫃歲入實較原薪倍增云。

徵收機關分三處城廂、汀泗、新店、城櫃兼收屯糧餘均民糧

附論政績自丙寅修志後循吏惟願熙熙張集慶等數人餘均無足紀張願二公事蹟已散見本志中不再贅但紀自民國以來者

董欽墀民國元年春蒞蒲一新庶政禁人民見官稱大老爺行拜跪禮興自治設宣講革差役旋爲寒家磯堤事去職

姚汝嬰首嚴烟禁各鎮更棚多蓄盜爲民害姚一切取銷實行警察設小學教員

研究所謀教育普及

李伯莊 初蒞任，卽值南北戰爭，支應兵差，不費蒲圻一錢。集禁烟罰款約八九千金，創貧民工廠。尤政績之犖犖者。

章之浚 勤於聆斷，每一紙呈遞，卽當堂批判，有案無留牘風。

董姚李章四先生，皆不久於任，故所設施祇此耳。其稍久者，如祝撰望前後凡三年，劉世璣新舊兩載，所作所爲，咄人類多切齒，姑從缺焉。至於陳志琅之棄城逃走，則更不足論矣。

第一節 財務行政

歲入門

田賦

一地丁 二萬三千七百四十七兩四錢六分四厘每兩折錢三串共扣錢七萬一千二百四十二吊

二漕米 八千七百四十九石六斗七升五合九勺折錢六吊文共征錢五萬二千四百九十八吊零五十五文

三屯餉 九百二十九石四斗二升九合二勺折錢三千二百文共征錢二千九百七十四吊一百七十文

四租課 二吊八百零四文五百二十九兩五錢七分每兩折錢二吊八百零四文共征錢一千四百八十

五丁漕附稅 地丁附稅共征錢一萬四千二百四十八吊四百七十文漕米無附稅

六學捐 正六百零六兩共征錢一萬九千四百九十八串一百八十四文五五學捐在內

七券票捐 造券十四萬張七十文應征錢九千八百吊每年征者只四成上下

貨物稅捐

一過境銷場稅

二茶稅 歲約八九十萬

三麻捐 共征錢六千吊文

四炭山煤稅 約八百吊

五煙酒糖稅 約征錢一百七十吊

六竹木火紙稅 約八百吊

七米捐 實收約四千九百餘吊

八火車貨捐

一契稅 年約一萬吊

二牙稅 年約一千七百元

三屠稅 年約四千元

四印花稅 年額六千四百元實收約八百元

正雜稅捐

五特別營業

六煙酒牌照稅 年約二百元實收約一千三百吊

七牙帖捐

八稅票捐 年約二百吊文

九夫役捐

十舖房捐 歸警察收入類

雜收入

- 一契紙稅 年約九百元
- 二申串 歲約二千串
- 三公股息金 年約二萬二千六百吊
- 四公屋租金 百四十四元
- 五禁煙罰款 無定
- 六警捐收入 年約一萬六千串
- 六教育收入 捐在內
- 八公基收入 五岳觀每月二十元

按煙酒糖與牌照捐、據公署所開列、歲入不過三百餘元、即以六鎮收入論、當不止此。況四十四團、若果公署所得、只此寥寥、則征收員之中飽、可勝言哉。然此猶國家稅也。地方稅如警察教育自治各收入、多至數萬金、洵巨款矣。正宜援皖鄂章程設立地方財政保管處、以杜官紳之侵挪、而圖事後之補救、乃竟無人提及、亦以阻力多而中止。惜哉。

歲出門

- 縣署 一萬一千八百〇八串文
- 堤工 一萬串向存道庫、民國起義庫款無存、四年由道發還三千串、被祝令挪用、歲修由知事臨時籌撥
- 警備 無
- 典禮 春秋丁戊兩祭二百串文
- 自治 二千八百串之譜

內務費

- 縣佐公署 一千四百四十串文
- 公渡 千六百串存利、記月息一分五厘、八年橋夫八名、薪工過少、過渡人各取錢十文、已呈縣核准
- 警察署 七千二百串文
- 育嬰 縣核准
- 商埠警察

財政費

徵收各局
收捐各人員年共四千八百四十八串文
催征吏
財務科

司法費

知事 三千一百六十八串文 承審法警在內
承審 一千八百一十八串文
監獄
法警

按財政費四千八百串。固統征收員催征吏俸給在內也。乃有謂若輩實無薪金。吁辦公而無俸。不知其能枵腹從公耶。抑仍直接間接而取之吾民也。

第二節 教育行政

教育行政、總攬於縣知事、自科舉廢、三高等小學相繼成立後、程令恩培則設有師範傳習所、挑選各高小之年長者入焉、春風一度、桃李含芳、是為蒲圻教育萌芽時代。民國初元、三高等仍舊開辦、而縣自治會與董令欽墀會商更開中學、姚令汝嬰、尤熱心教育、復廣招師範生而躬親訓迪之、並商自治會擬各團開一初等小學擴十七堂為四十四堂、是為教育漸盛時代、未幾南北戰爭起、姚公去職、事定後、袁項城陰謀專制、

於教育取減政主義。視令撰望乘之、廢初等十七堂爲七半堂。是爲教育衰落時代。自是以後、無有能復之者。今五五學捐發還、蒲圻一般人士、擬以此款專辦國民小學、謀教育普及此實根本問題也。

勸學所爲全縣教育總匯、乃往往有名無實。一事不辦。所長相見。惟稱經濟困難。而未聞其所勸導者安在。使有一二士紳犧牲個人權利之見。悉心籌畫。竭力倡導改良私塾。俾成私校。調查學童。按年入學。欲追踪南通。非難事也。

教育經費預算表十年度

經常支出門

名目	月	計	年	計	名目	月	計	年	計
勸學所	一百七十一串		二千零五十二串		中校附小	四百八十八串		五千八百五十六串	
視學員	四十串		四百八十串		南路高小	一百九十八串		二千三百七十六串	
國民校	二百八十二串八百		三千三百九十四串		北路高小	一百九十八串		二千三百七十六串	
女子校	六十九串		八百二十八串		新溪高小	一百二十串		一千四百四十串	
講演所	一百二十串		一千四百四十串		茶捐經收	二十一串		二百五十二串	

教育會 一十串

一百二十串

豬舖經收 四十串

四百八十串

賓興錢糧

三百二十串

總計支出二萬四千六百串文

臨時支出門

收入預算表

名目 結數

款別 總數

丁戊兩祭 二百串

文廟修整 一百五十串

糧捐 一萬三千串

各種公報 一百三十串

女校手工 六十串

茶捐 三千五百串

查學夫馬 一百四十串

收租費 八十串

麻捐 三千四百串

旅行畢業 二百串

預備費 六百六十三串

豬舖捐 三千串

添置修整 五百串

九百五十六

賓興田 一千四百串

小學開辦 三百串

中代捐 三百串

學社修整 一百串

學費 一千串

捐票印刷 三十串

借款子金 一百二十串

總計收入二萬四千六百串文

按蒲圻教育經費。以糧捐茶捐為大宗。茶捐旺時年約萬金。自茶捐銳減。賓興子息及灰捐典

捐。又先後停歇。各校遂有岌岌不可終日之勢。所長黃煜林接事以來。即核減中學購

置費及國語講習所預備費一千數百串。誠迫不得已也。今地方兵事未息。茶捐銳減。年列預算。多不可恃。又安望後此之有濟哉。然其大綱不外如此。特附錄之。使後有所稽。致爲振興教育之基本焉。

(一) 普通教育

中學一校 分兩班、係就高等小學改設、地在北門、舊朝陽書院遺址、

高等小學三校

城校 學額一百名、附屬於中學校內、

峒校 在峒市西得勝山下、係文昌閣舊址、學額六十名、

埠校 在埠頭附近、但紳象儕經手新造、學額六十名、

國民學校

城廂 考棚 全武廟 全延壽寺 半積善堂 半

東鄉 占崙 全汀泗 全石坑渡 半金獅觀 半

南鄉 廟廠 全楓樹嶺 全新店 全港口站 全左白畝 半

西鄉 車埠全白駒全白蕪全

北鄉 舒氏別墅全李家港全北門岔全

女學 城內 羊樓洞 新店

私立高初兩校

民國三年祝笏山藉口費絀廢初等十七校、惟城鎮各存半校、五年邑人王康等乃提倡私立、不仰給官費、而隆隆鼎鼎之高初兩等學校、遂出現於新溪。

蒲圻學校之興廢 清季士夫厭帖括空疏、羣焉趨重科學、羊樓洞風氣早開、經費亦裕、光緒甲辰、即於文昌閣創立高等小學、廟廠設一初等、翌年城內高初兩等亦逐漸設置、並擬各鎮設一高小、齋舍既建、旋因經費不敷、僅開埠頭一校、共高等三校、初等十七校、女子小學三校、民國紀元、公議更開中學、邑人興學之意方興未艾、乃祝令蒞蒲、即主破壞、首廢初等十七校、而城鎮所存者亦僅矣、新溪熱心學務之士、知官費無望也、遂相與創立私校、辛苦歷年、卒底於成、而私立之武漢中學、且相繼成於吾邑人之手焉、官權摧抑於上、而士氣振揚於下、吾蒲教育、其庶有豸乎。

(二) 社會教育

蒲民囿於習俗，一時未能改革，子弟發蒙，必讀經書。年關度歲，仍遵舊朔。以畢業數見不鮮。而艷稱前清秀才。以民國刑律減輕，而好爲無味爭訟。則社會教育急待設施也。

簡易識字科 清末蒲圻各初等小學，附設此科，公家備有書籍，並年給燈油費十千，集鄉村白徒，於夜間教之。

圖書館 蒲圻向以朝陽書院萃古樓爲藏書地，邑侯張雲生置有書八種，雖皆經史大部，不適社會教育，然讀書子弟，皆得披閱以廣見聞，實開圖書館之先聲。其後高小學校成立，復添購數十種，應用者畧備，迭經兵燹，竟蕩然無存，惜哉。

閱報所 民國初元，自治會開，設有閱報室，並設專丁收檢報紙，招待來賓，意甚盛也。迨自治取銷，此事遂廢。近黃勸學所長煜林就宣講所內恢復閱報室，洵十年以來所僅見也。洪山余家橋亦設閱報社，閱者日數十人，以湖鄉而有此創舉，可想見其人民程度之增進矣。

宣講員 民國成立，卽置宣講員，城廂則自治會設有二人，四鄉則勸學所設有四人，每到一處，必設臺宣講，所講白話，彙集成編，回縣時，呈所長核閱，其于通俗開化之意，可謂勤矣，自某所長去職，宣講員雖存，不復聞講演之聲焉。

蕪報社 京省同人憫故鄉風氣閉塞，特設此報，以富道鐸，凡教育實業及社會公共之利病，無不詳細言之，且明白曉暢，雅俗共賞，誠開通民智之絕妙法門也。

第三節 實業行政

蒲圻前清時，卽注重於實業之提倡，如朝陽書院隙地，宗縣令不以種花卉，而植桑百餘株，乙巳改造揀廠將樹伐去張使君集慶租邱氏宗祠，試辦織夏，已爲實業行政之見端。自清季以及民國，或由本縣長官籌款創辦，或由國家派員自辦，乃善政難濟，人民智識短淺，無力維持，以致旋廢旋興，成效莫睹，曷勝浩嘆。茲特紀錄如左。

茶業試驗場 設羊樓洞阪上，清季湖北勸業道委派專員辦理，先立有茶業學堂，招致附近園戶子弟，研究培植製造各新法，並租地數畝，植茶無算，實行改良，種製置場長一人，會計技士各一，工徒四名，歲支經費二千四百餘串。

農林試驗場 民國元年奉湖北實業司指令開辦，地點在南門外五岳觀，塲長一司事場丁共五名，歲支經費一千元，由自治會議決，以東鄉竹木火紙捐爲常年的款，不久停辦。

貧民工廠 知事李伯莊集禁煙罰款九千餘金，創此工廠，購鐵木機若干具，招女生數十名，聘瀏陽某女士爲教習，教以績麻織布，而以勸學長兼任總理，粗有頭緒，伯莊解任，繼之者爲祝笏山，藉口辦理無人，爲張松地圖之獻，士民至今怨之。

模範林 鐵路枕木需要甚巨，部令各縣勸民間廣種美國槐及黃荊樹，蒲圻劉令承其旨，特就城內外馬鞍壘秀等山分設苗圃，並於峙山種樹數千株，派城紳數人爲該塲辦事員，其苗木餘賸者，令各團具價購種，南鄉賀紳肖如所種尤多。

實業淺說 劉知事每月每團各送實業淺說數冊，其中新理頗多，有益實業不少，又將種棉種桑簡明方法訂成薄本，分送邑人士，俾照章訓導本地農民，該令在蒲可記者惟此。

民國初元，司法獨立，蒲圻亦循例設置，其職員如左。

監督推事一、推事一、檢事一、書記一、監獄官一、

設立之初，人民頗易視之，有張質卿者，以事被崇陽縣關提，初級廳援例押解，質卿竟敢率衆抗拒，後聞其電省請兵，揭家遠颺，法廳無所洩憤，乃嫁禍其兄，至於人亡家破，冤哉。

民國二年，政府通令裁撤，蒲圻之評論此事者，約分二派。

甲 司法獨立，責有專歸，權不旁撓，民刑事件，判決迅速，絕少拖累，似不宜裁。

乙 司法獨立，不受自治監督，遂濫用浮報，迨同室操戈，以賤呈自治會核算，畧一覆按，浮濫竟至千數，則裁撤之不爲過。

蒲圻縣知事兼司法時代

承審員 月俸八十元，佐知事辦理詞訟，初級審判，承審員負責，地方審判，知事同負責。因此遂生二弊。

濡滯 知事庶政紛繁，每有疑難，輒委承審研訊，而承審以責在知事，不卽判決，彼

推此諉而拖累之弊生、

關說 知事因各項公益、日與士紳接、一般權紳、公餘輒談及私事、知事往往曲意

徇之、不肖者或因此招納賄賂、而是非顛倒之弊生。蕪報載潘姓命案劉世璠
因某巨紳關說得錢八百

串

以上所言、皆弊之在官場者、源不潔、流奚清、故差役之弊尤甚、檢驗吏卽昔日之忤作
稍一棘手、輒謝不敏、往往重要命案、延擱一二載、猶未檢驗、言之寒心、法警卽昔日之
快捕壯丁、並未受有教育、每事下鄉、不問道里遠近、輒苛索路費、嗚呼司法之黑暗若
此、人民之枉、將誰訴耶。

第三十章 警察

蒲圻警察、創辦最早、前清知縣王寶善曾設警察傳習所、一時士夫爭趨之、故邑人多
具警察知識、如馬祖鵬、熊良佐等、皆辦警著稱者、其設置如左、

總署 縣設總署、向在北門武廟、今移設公署儀門內、

分署 羊樓洞、羊樓司、新店、車埠、汀泗、石坑、神山、各設分所、近金獅觀亦添設駐在

所地方決不承認，遂撤。

經費 縣署月需錢三百九十四串，歲需錢四千七百六十四串，據元年自治會核定表以麻契兩捐爲常年的款，各鎮皆就地籌款，大都以鋪捐、牛捐、穀米捐爲主，餘則隨地方出產徵收之。

蒲圻警政之設施擇其最著者紀之

路燈 市埠三叉路口，皆設有路燈，以便夜行者。

菜市 縣城賣小菜者，向皆羅列街市，今統歸城隍廟。

檢查 蒲圻火車多，夜到，客商夜半入城，警士常就城門檢查。

禁烟 煙禁漸弛，城市煙窟甚多，警察日夜巡查，本屬天職，乃有進奉者不問，無進奉者查抄，亦非平等之道也。

第三十一章 兵事

第一節 歷代之兵事

時局不靖，土匪蜂起，故城鎮皆設兵駐防，以保公安，人民倚之，自新店洞市迭次譁變，

商民遂大失望、現蒲通設鎮守使署、叢爾蕪川、行且爲邊防重地、茲更取歷代兵事關於蒲者類志之、

唐元和志、赤壁在蒲圻西、吳周瑜破曹操處、圖經又云在嘉魚西、蓋嘉魚當日原屬蒲圻、赤壁一戰、實爲蒲圻有兵事之始、

太平城在縣西南、孫權遣魯肅征零陵、于此築城屯兵、卽今城西團也、城之遺址尙存、

宋到彥之討謝晦、連戰不利、退保隱圻、綱目隱圻卽武昌蒲圻

岳公城在縣東北、宋岳飛征楊么、築此屯兵、

元世祖南伐、自陽邏洑至鄂州白鹿磯、命伯顏攻沙陽堡、

明崇禎癸未夏杪、流賊張獻忠遣輕騎百人爲哨探、拿船渡、邑人侯定國發矢貫前騎、余開衡舞刀大呼殺賊、賊驚潰、七月全隊壓境、定國開衡先登陷陣、被重創、絕復蘇、邑令曾杖單騎走死王墩廟、時白骨山積、室廬灰燼者大半、

第二節 清初及中葉之兵事

蒲圻清以前，有兵事亦偶然耳，自入滿朝，幾無代無之，然自康乾以及嘉道，兵事之影響於蒲民者，尙不甚巨。志如左。

清順治二年，闖賊陷蒲城，駱文節被執不屈死，賊大焚掠，邑人李侍率鄉勇逆載於大田，賊潰走，屯黃茅山及楊林等處，侍夜規其營，更伏兵要路邀擊之，賊驚潰，渡臨湘河而南，踞蒲凡三月，焚殺殆盡，六月清軍至縣安撫，復睹太平。

康熙二年，官軍勦西山賊李來亨，徵夫運米，死者甚衆。

康熙十四年歲稔，時討吳藩，三桂以十年反，兵車絡繹，而米價甚平，民困稍蘇，然避兵

轉徙者已不少，十七年雲南平，流亡者始歸。

乾隆末，洋泉團白蓮教已萌蘖，知縣靈川置不理，嘉慶三年，楊令清輪遣役往探，被害，清輪一面詳請，一面召集鄉勇爲城守計，邑人馬效忠、葉鳳舞率煙兵百爲先驅。

追至石門頸，格殺多人，匪遂潰散。是役戰死者凡十人，均祀忠祠。

道光辛丑崇邑之變，擾及蒲圻，鍾人傑抗糧反，知縣蕭蔭恩率紳民城守，有劉先福者奮

自劫壘死，未幾賊自潰散。

第三節 清末之兵事

洪楊之變，蒲城三陷，受兵最久而戰事亦多可紀，故特志之。咸豐二年冬，太平軍南下，石達開軍至茶菴嶺，冠服登臺，演說漢滿種族主義，音容慷慨，鄉民多爲感動。

十一月初九，縣城陷，知縣周和祥及縣丞張汝琛、典史何耿千、總胡起太皆死之。同時將弁兵勇紳民殉難者千餘人，庫署倉廩驛馬焚劫一空，越宿去。十二月，知縣孫守信蒞任。

四年春，粵餘黨集蒲，徧招流亡，搜括民財，幾盡。七月，大軍復蒲城。五年二月，粵軍復上竄，賀壽春率勇禦之，沙子嶺兵敗，遇害。大平軍遂入城，孫令守信駐新店，督率練勇，以汪士哲爲隊長，屢攻城不克。九月，羅澤南由豫進，勦相遇於羊樓司，三戰三捷，賊大股並萃邑城，澤南復與戰於城西鐵山，前隊楊載佑、劉季霞戰死，澤南愈奮力猛撲，遂破走之，是役也。汪士哲首登陴，授署千總，孫守信擢任參謀，知縣李炎繼任。十一年，太平軍復集，教諭黎鴻漸死之，李炎退屯新店。

六年三月，汪士哲及王道平督隊野戰，賊佯敗，道平追之，渡望山河，賊乘半濟返門。

執道平殺之。是年各地團練多敗沒。粵軍駐城將一載。後聞官軍復武昌。遂宵遁。同治四年夏。游勇掠東北境。旋竄崇通。大軍路蒲晉勦。知縣顧際熙捐錢二千緡。以備支應。軍秋毫無犯。民賴以安。

光緒庚子。港口鄉民饒化之。嘗從軍在外。至是歸。自言受革命黨首唐才常委狀。在羊樓洞放散漂布。從者日衆。是年秋遂舉事。知縣何蘊珊聞信。卽往查洞辦。臬吳至林以示衆。其黨多散。旋聞唐才常在漢事敗。化之遽逸去。黨徒多伏誅。地方遂靖。

第四節 民國以來之兵事

民國成立後。南北屢有戰爭。而蒲圻適當衝要。受軍事上損失甚鉅。前事不忘。後事之師。特錄之以告來哲。使知所預備焉。

辛亥秋。仲武昌起義。天下響應。各路兵士之往來吾鄂者。多取道蒲圻。城紳特設保安會招待之。以防未然。各鎮仿其法。相繼設立。雖朝代改易。而閩里幸免兵禍。

民國二年。民黨巨子宋教仁滬上被刺。黃興指爲項城主使。據金陵起兵。湘省兵亦接踵而起。秋初。攔入蒲境。駐楓樹嶺。與北軍駐白石團者連戰不利。北兵遂進逼茶

蒼嶺、湘督譚延闓、以皖贛先後失敗、懼獨力不支、通電政府願取銷獨立、將南兵調回、北軍亦遂停進攻、不久即回鄂省。

六年夏、張勳亂政、

以兵解散國會逼總統遜位清宣統復辟

段琪瑞討平之、復民國而不復國會。西

南以護法爲名、遂與傅湘督宣戰、蒲居湘鄂之交、據武岳輪路中樞、轉餉連軍、供億已不勝其煩、未幾、長沙陷、岳州兵亦全師潰退、沿路寇抄、蒲遂大受影響、潰兵去後、第七師入城、復肆焚掠、旋分兵駐茶蒼嶺、寇掠如故、鄉民多竄伏山谷、七年春吳佩孚兵至、嚴禁侵掠、居民始稍歸業。

八年秋、駐新翟連長不恤兵士、全體譁變、槍斃商會長父、劫去貨財以鉅萬計、王督聞變、飭緝爲旨者正法、並認撫卹。

九年夏、新店駐兵以缺餉故、復譁變、各富商多被抄掠、連夜來羊樓洞、誘該鎮防兵一同爲寇、街坊殷實鋪戶、損失尤重、十年秋、湘軍司令趙恆惕、鄂民水火、越境驅王、兵士路蒲進攻、駐紮鄉村、秋毫無犯、僉稱義旅、比其反也、沿路搜牢、遇有面目者、即牽進奉、竟與軍第七師無異。

第三十二章 形勢

蒲圻鐵路橫貫北通京漢、南走湘粵、西出長江、故陸溪口與島口爲水路必爭之地。然以水陸言、則水路輕而陸路重。以南北言、則北路緩而南路急。詳述如左、

羅澤南之拒太平軍也、一敗於羊樓司之復均、再敗於羊樓洞之團魚山、今改名三得勝山、三敗於城西之鐵山、皆南路也、

民國二年、南北分爭、北軍駐白石團、以少數人沿龍口而伏、地形便利、遂大敗南軍、然南軍駐羊樓洞時、若有人導之自中心坪潛抄北軍後、則蒲城得已多時、故此一路尤爲緊要、

六年冬、南軍乘勝直逼趙李橋、將鐵橋拆毀、則此橋亦扼要地、

羊樓司係臨蒲界綫、九年夏、鄂旅寇英傑駐此、防堵張湘督潰兵、甚爲得力、潰兵多從水路南下、全蒲獲免蹂躪、

羊樓洞距趙李橋僅八里、實扼南來之衝、而地處萬山中、往攻殊不易、且茶商雲集、稅厘旺時、歲約百萬、財賦亦足取給、真進可戰退可守之要塞也、現蒲通鎮守使行署擬

設於此。則兩路策應，匪惟國防鞏固，而地方伏莽亦潛消矣。

第三十三章 關係

第一節 對於本省之關係

蒲圻在省治西南，地勢雖頗偏僻，其關係本省者，如公益、如商務、如工藝、如種族，不一而足，分著如左。

武昌嘉魚咸甯 嘉魚長堤、蒲與咸甯，向有協編銀兩，助江嘉二縣修築，後以關係重要，知縣任選，防始改分修。

通城崇陽 通城米銷洞市者多，茶次之，崇陽紅茶多銷沙坪，老茶仍銷羊樓洞，故爭平爭稱之訟，兩次皆有崇通人。

漢口 蒲圻青紅茶絲、麻紙、篾、牛皮、魚、米皆以此爲總銷場。

棗陽隨州雲夢 多來荆泉泉坑等處採辦火紙。

蘄春京山 蘄艾、蘄蛇、京半夏、京百合、蒲圻藥肆多運銷焉。

沔陽 賣花賣魚者多沔陽人，已酉水災，北人尤以蒲爲桃源。

均州 蒲民多嗜均州菸葉各煙號每年所採辦爲數甚巨

通山陽新 蒲邑寒紙簾者多興國人挖煤者多通山人

黃陂黃岡 蒲圻鉛錫匠黃岡人多成衣店黃陂人多

漢陽 荊州 蒲民攻木業陶多在沿江一帶

襄隕 蒲民移殖者無處不有襄郡之楊竹谿之歐尤有名

第二節 對於全國之關係

蒲邑所關係者不特湖北也對於全國莫不有關係焉

京兆直隸河南 蒲圻鐵路自武昌渡江與京漢路一線遙聯近來道撥房監工包工尤多燕豫人且有在蒲置產者

山東廣西 洪楊浩劫蒲城三陷父老談及輒愀然不願有此等內亂近南北戰爭吳董率軍駐蒲與地方頗有感情

山西廣東 蒲圻紅黑茶商晉粵幫最盛晉之龜靈集粵之如意油多由商帶銷

江南 粵亂平後江南遷蒲者衆新店王錫五卽其一也

安慶 蒲圻典商多徽幫，向之春茂、恆昌及今公益、典經理張玉田皆皖人也。

江西 蒲圻藥材號及紅茶行包頭，以江右人爲多。

湖南 湘鄂向本湖廣省，蒲圻與臨湘尤接近，湘人商於新店、羊樓洞者甚衆，茶銷

洞市穀米及石炭，多由水路銷新店。

四川 蒲圻人多營業於四川鹽灶，李標詩謀生及四川周順，強半在西川，可想見工商四川者多。

貴州 學堂初開，黔撫岑春煇曾調邑人王康任師範教育。

雲南 前清雲土多銷蒲圻，今則惟雲白銅煙袋，尙有銷售者。

閩浙 杭之綢緞，如杭紡、杭摹本、杭胡縐、閩之海菜，如燕窩、鯉、藥材如建蓮、建硃、

建麩，多行銷蒲圻。

陝甘 蒲圻人近年多游宦西安，秦隴皮毛多有帶銷者。

新疆 左文襄征回，蒲圻錢漢臯、李某實荷戈以從，錢官拜城，衣錦還鄉，李歸事釣

游，與談新疆戰事，亦娓娓可聆。

東三省 邑人張潛若、賀希芝、并官龍江，張尤多著政績。

內蒙古 峒庄磚茶、抵張家口、西商多卸貨、另有代爲運銷、

外蒙古 羊樓洞茶磚、外蒙銷場、以庫倫爲總匯、

第三節 對於世界之關係

蒲雖蕞爾、而東西兩洋之貿易、於蒲頗有關係、試彙志之、

日本 蒲圻之麻、售諸漢上者、多銷日本、日人織爲布疋、轉銷我國、如東洋縐、條絲、緞之類、蒲圻近年、銷數不少、

俄國 羊樓洞紅茶磚茶、多由西北利亞、運銷俄羅斯本部、

英美 洞市茶葉、英商多直接來洞採辦、近日美國禁酒、洞茶亦多銷該國、而英美之煤油、如美孚、亞細亞、及紙煙布疋、銷售於蒲圻者、爲數頗巨、

第三十四章 補遺

教兒童須談有興味事、此今日講學家所公認、然苟無瑰異之觀、曷足發人興起之思、蒲圻山水多奇、靈蹟迭著、正未可以子不語怪、概從筆削也、特補錄之、以供攷古者之研究焉、

泉神濟窮 荆泉洞記載昔有貧乏者書券投水中水瀾沒紙須臾金錢出如紙上所貸酬之則券復從瀾中出不壞後為無全璧者謾事遂不應然則神亦重信義歟。龍王識字 王雲翔掘泉禱雨記稱以疏投水而層折而下篇幅遞展若有諦視之者須臾沸水出器貯以歸翌日果大雨遠近霑足其神之靈耶抑適逢其會也。

佛光示現 馬淑昌於雪峯寺頽垣中見半規光影凝空不散亘七晝夜曾著有光說未知與今日光學家言同異若何

洞口留題 敖一瓚竹山洞記記蘇東坡自武昌西山沂流至此題游泉漱月四字

而返 洞口有泉不知所來盛夏水漲管有大尾江魚有洞出中有石像石甃龍床諸勝

窪樽石 龍翔山有石平方中一口如甕可注酒 上有熙翁癸丑上己等字

了髻山 雙峯如髻晉葛洪樓真處山空日暝時聞棋聲

先生壠 在車埠雞鳴港相傳明宋濂遊蒲居此因名

學士洲 洲在故營里潭即今泅潭為邑中關峽

金臺觀

唐貞觀中掘土得石。有金台字。因名。此與延壽寺射圃嶺峙山等處均公產

瑤圃祠

青雲嶺有吳主廟。廖道南更今名。又有橋名玉虹。

三官殿

在風潭。壁立河岸。下有石。名游船頭。石有石室。可以安禪

萬年菴

在港口驛。董其昌題額。法堂歇心處二字。亦董題。

荆竹坡

在豐財山側。有洞虛廠。可容數千人。石面有朱書元至正字。蓋前人避兵處。

蓮花洞

在洪石團西。洞有石倒垂如蓮花。魏司徒說有記。

青園

張白蕓讀書處。清大學士朱珪有詩記其事。

白嶺

在北門親樂園。其陰有節孝覃女墓。

蕭堆

豐財山西麓。有石突起東洲。曰蕭堆。

鼓潭

潭多石穴。與風水相吞吐。有鼓笛之音。故名。

思姑井

望夫山

